

摘藻堂四庫全書薈要

子部

欽定四庫全書薈要

子部

御定廣羣芳譜卷四十四

臣

王杰詳校

詳校官主事臣陳本



欽定四庫全書薈要卷一萬六百七

子部

御定佩文齋廣羣芳譜卷四十四

花譜

蘭蕙

按蘭花蕙花一類二種黃庭堅之說最明然皆非古之所謂蘭草蕙草也蘭草今之鄒梁香蕙草今之零陵香唐宋本草載之甚詳朱子楚辭證可為確據今以蘭花蕙花合為一譜蘭草蕙草附錄於後以備參考

增爾雅翼蘭之葉如莎首春則茁其芽長五六寸其杪作一花花甚芬香大抵生深林之中微風過之其香靄

然達於外故曰芝蘭生於深林不以無人而不芳又曰
株穢除兮蘭芷覩以其生深林之下似慎獨也故稱幽
蘭江南蘭只在春芳荆楚及閩中者秋復再芳蘭與蕙
甚相類其一幹一花而香有餘者蘭一幹五六花而香
不足者蕙

說本黃庭堅

今人稱蘭為幽蘭蕙為蕙蘭蕙大抵

似蘭花亦春開蘭先而蕙繼之皆柔莢其端作花蘭一
莢一花蕙一莢五六花香次於蘭 本草寇宗奭曰蘭
葉潤且靱長及一二尺四時常青花黃綠色中間瓣上

有細紫點春芳者為春蘭色深秋芳者為秋蘭色淡李
時珍曰生近處者葉如麥門冬而春花生福建者葉如
菅茅而秋花 原蘭幽香清遠馥郁襲衣彌旬不歇常

開於春初雖冰霜之後高深自如故江南以蘭為香祖
又云蘭無偶稱為第一香紫梗青花為上青梗青花次
之紫梗紫花又次之餘不入品趙時庚金漳蘭譜云紫

蘭有陳夢良

色紫

軒十二夢花頭極大為紫花之冠

至若朝暉微照曉露暗濕則灼然騰秀亭

然露奇斂膚傍幹團圓四向婉媚嬌綽竚立凝思如不
勝情花三片尾如帶微青葉二尺頗覺弱黯然而綠背

雖似劍脊至尾稜則軟薄斜撒粒許帶緇最為難種故人稀得其真者種用黃淨無泥瘦沙忌肥恐致腐爛

吳蘭

色深紫有十五萼幹紫莢紅得所養則歧而生至有二十萼花頭差大色映人如翔鸞翥鳳千態

萬狀葉高大剛毅勁節蒼然可愛不堪受肥須以清茶沃之冀得其本土之性

潘花

色深紫有十五

萼幹紫圓匝齊整疎密得宜疎不露幹密不簇枝綽約作態窈窕遲姿真所謂艷中之艷華中之華也愈久愈見精神使人不能捨去花中近心處色如吳紫艷麗過於衆花葉則差小於吳峭直雄健衆莫能及其氣特深未能受肥清茶沃之二種用赤沙泥

趙師博

色紫十五萼初萌甚紅開時若晚霞燦目色更晶明葉勁

直肥聳超出羣品

金稜邊

色深紫十二萼出於長泰陳家色如吳蘭片則差小葉亦勁健所可貴者

葉自尖處分二邊各一線許映日如金線紫花品外之奇用黃色麤沙和泥少添赤沙泥妙半月一用肥

白

蘭有濟老

色白有十二萼標致不凡如淡妝西子素裳縞衣不染一塵葉似施花更高一二尺得所

養則歧而生亦號一線紅白花之冠宜

竈山

一名綠衣郎有十五

溝中黑沙泥和糞種愛肥一任澆灌

萼色碧玉花枝開體膚鬆美顚顚昂昂雅特閑麗真蘭

中之魁品也每生並蒂花幹最碧葉綠而瘦薄如苦蕒

菜山下流聚沙泥

黃殿講

一名碧玉幹西施花色微黃種亦可肥戒多

五萼或迸於根葉細最綠肥厚花頭似開不開第幹雖

高而實瘦葉雖勁而實柔且朶不起猗根有萎葉是其

所短

李通判

色白十五萼峭特雅淡追風浥露如泣如

者耳

葉大施

葉劔脊最長惜不甚勁直

惠知客

色白有十五萼賦質清癯團簇齊整嬌柔

山瘦潤花英淡紫片尾凝黃葉雖

馬大同

色碧而綠有十

綠茂但頗柔弱用泥同濟老

間有向上者中多紅暈葉則高聳蒼然肥厚花幹勁直及其葉之半一名五暈綠以上俱上品鄭少舉色白十四萼瑩然孤潔極為可愛葉脩長散亂所謂蓬頭少舉也有數種花有多少葉有軟硬之別白花之能生者無出於此其花之資質可愛為羣花翹楚用糞壤泥及河沙內用草屨屑鋪四圍種之累試甚佳大凡用輕鬆泥皆可以

黃八兄

色白有十二萼善於抽幹頗似鄭花葉綠而直惜幹弱不能支持耳用泥同濟

老周染

色白十二萼與鄭花無異但幹短弱用泥同鄭少舉以上俱中品

夕陽紅

花八

片微尖色則凝紅如夕陽返照肥瘦任意當視沙之燥濕蓄雨水沃之令色綠為妙觀堂主名弟亦同觀

堂主

花白有七萼花聚如簇葉不甚高可供婦女時妝

名弟

色白有五六萼花似鄭葉最柔軟如

新長葉則舊葉隨換人多不種

弱腳

色綠大如鷹爪一幹一花比葉高二三寸葉瘦高二三尺八臘方花

香馥可愛外有雲嶠朱花青

蒲玉小娘之類以上俱下品

魚魴蘭

又名趙花十二萼花片澄澈如魚魴

沉水中無影葉勁綠此白花品外之奇山下流聚沙泥種戒肥膩

增王貴學蘭譜陳

夢良

有二種一紫幹一白幹花色淡紫大似鷹爪排釘甚疎

趙十使

即師博色淡壯者十四五

萼葉色深綠花似仙霞葉之脩勁不及也

何蘭

壯者十四五萼繁而低壓冶而倒披花色淺紫似陳蘭第

花幹壯而何則瘦陳葉尾焦而何則否或名潘蘭有紅酣香醉之狀經雨露則嬌困號醉楊妃不常發似仙霞

大張青

色深紫壯者十三萼花有二種大張花多小張花少大張幹花俱紫葉亦肥瘦勝小張慳於發

花**蒲統領**

色紫壯者十數萼淳熙間蒲統領引兵逐寇忽見一所以非人世四周幽蘭欲摘而歸一

老叟前曰此蘭有神主之不可多摘取數穎而歸

陳八斜

色深紫壯者十餘萼發則盈盆花類大張

青幹紫過之葉綠而尾

淳監糧

色深紫多者十萼叢生並葉幹曲葉高三尺厚

蒲下垂間有一葉雙花

而且直其色尤紫大紫壯者十四

萼出於長泰以上俱紫色中品

許景初

色鮮紅葉頗

散垂綠

石門紅

其色紅壯者十二萼花肥而促色紅而淺葉雖麤亦不甚高滿盆則生亦云趙

蘭小張青色紅多有八萼

蕭仲紅

色如褪紫多者十二萼葉綠如芳茅其餘

淡於石門紅花幹甚短

幹纖長花亦離疎

何首座

色淡紫壯者九萼

林仲禮

色淡紫壯者九萼花

半開而下視葉勁

粉妝成

色輕紫多者八萼類陳八斜花與葉亦不甚多

茅蘭

其色紫長四寸有餘壯者十六七萼結實其破

如線夏至抽莖春前花開以上俱紫色下品

鄭白羊

色碧多者十五萼岐生過之其

仙霞

九十葉色白鮮者如濯含者如潤得

跗尤碧交秋乃花或又謂大鄭

之泰

朱蘭

得於朱僉判色黃多者十一萼花頭似

雲嶠

色白壯者七萼花大紅心鄰於小張以所得

林郡馬

其色

地名葉深厚於小張雲嶠海島之精寺也

青蒲

色白七萼挺肩露穎似碧玉而

綠而小

獨頭蘭

色綠一花大如鷹爪幹高二寸葉類麥

直而脩

碧蘭

始出於興化龜山院花有十

原建

歲正山鄉有

之間有雙頭

蘭莖葉肥大蒼翠可愛其葉獨潤今時多尚之葉短而

花露者尤佳若非原盆須用火燒山土栽根甚甜招

蟻以水壺隔之水須日換恐起皮則蟻易度頻分則根

舒花開不絕此已試妙法也澆洗須如法又有按月培

植之方乃閩中士

杭蘭

惟杭城有之花如建蘭香甚一

紳所傳宜照行之

枝一花葉較建蘭稍潤有紫花

五

黃心色若臘脂有白花黃心白若羊脂花甚可愛取大本根內無竹釘者用橫山黃土揀去石塊種之見天不見日澆以羊鹿糞水花茂盛雞鵝毛水亦可若澆灌得宜來歲花發其香勝新栽者遠甚一說用水浮炭種之上蓋青苔花茂頻灑水花香

其類有春蘭夏蘭秋蘭素

花紫白者名蓀出法華山

蘭石蘭竹蘭鳳尾蘭玉梗蘭春蘭花生葉下素蘭花生葉上至其綠葉紫莖則如今所見大抵林愈深而莖愈紫爾劉次莊樂府集云沅澧所產花在春則黃在秋則紫然春黃不如秋紫之芳馥也凡蘭皆有一滴露珠在花葉間謂之蘭膏不啻沆瀣多取則損花

彙考原易繫辭同心之言其臭如蘭

禮記內則婦或

賜之茝蘭則受而獻諸舅姑

左傳鄭文公有賤妾曰

燕姑夢天使與已蘭曰余為伯儵余而祖也以是為而

子以蘭有國香人服而媚之如是既而文公與之蘭而

御之辭曰妾不才幸而有子將不信敢徵蘭乎公曰諾

生穆公名之曰蘭

增史記禮志椒蘭芬茝所以養鼻

也 原晉書文苑傳羅含字君章桂陽耒陽人也致仕

還家階庭忽蘭菊叢生人以為德行之感焉

增易通

卦驗十一月廣莫風至則蘭射干生 原家語孔子曰

與善人處如入芝蘭之室久而不聞其香則與之俱化

芝蘭生於深谷不以無人而不芳君子修道立德不

為困窮而改節 增列子薦以梁肉蘭橘 荀子民之

好我芬若椒蘭也 原文子日月欲明浮雲蓋之叢蘭

欲發秋風敗之 增淮南子蘭芝以芳未嘗見霜 原

說苑十步之內必有芳蘭 風俗通漢尚書郎每進朝

時懷香握蘭口含雞舌香 增洛陽伽藍記大覺寺廣

平王環捨宅林池飛閣比之景明至於春風動樹則蘭
開紫葉秋霜降草則菊吐黃華採蘭雜志蘭待女子
同種則香故名待女原汗漫錄王摩詰貯蘭用黃磁
斗養以綺石累年彌盛曲江春宴錄霍定與友生遊
曲江以千金募人竊貴侯亭榭中蘭花插帽兼自持往
羅綺叢中賣之士女爭買拋擲金錢增清異錄唐保
大二年國主幸飲香亭賞新蘭詔苑令取浣溪美土為
馨烈侯擁培之具致虛閣雜俎晁采閣中蘭花始發

其姑命目之應聲目曰隱於谷裏顯於澧潯貴比於白玉重匹於黃金既入燕姬之夢還鳴宋玉之琴其慧敏如此 卧龍行記寺有崇蘭數百本秀發巖石間微風透香所至芬郁 三餘贅筆張敏叔以十二花為十二客蘭為幽客 花經蘭一品九命 蕙二品八命 澄懷錄韓熙載云對花焚香蘭宜四絕 佩楚軒客談高疎仙玉峰山四畔皆幽蘭日採數十花酌明水箋離騷自謂靈均有知當領吾意也 雞足山記靜雲庵僧寮

盆蘭敷華皓潔如雪 泉南雜志九節蘭花易植不若

吳中所欽靜宇中雖若棋列亦不甚香 閩部疏蘭以

建名而福興四郡尤甚民家無大小皆傳種之然絕不

生山間不知種所自來大都以玉魷為最四季開者為

珍 原學圃餘疏建蘭盛於五月畏風畏寒畏鼠畏蚓

畏蟻其根甜為蟻所逐養者常以水盂隔不令得入予

作一屋於竹林南外施兩重草席坎地令稍深貯蘭於

其上無風有好日開門暴之所畜二三十盆無不盛花

者其種亦多玉魴為第一白幹而花上出者是也次四
季次金邊名曰蘭其實皆蕙也閩產為佳贛州蘭花不
長勁價常減半 一莖一花者曰蘭宜興山中特多南
京杭州俱有雖不足貴香自可愛宜多種盆中今日絕
重建蘭却只是蕙見古人畫蘭殊不爾虎丘戈生曾致
一盆葉稀而長稍麤於興蘭出數莖正春初開花特大
於常蘭香亦倍之經月不凋酷似馬遠所畫戈云得之
他方今尚活花時當廣求此種以備春蘭之絕品 增

荆溪疏蘭出荆溪者葉柔花弱比閩浙產不同又易致
龍池銅官之間彌坂盈谷山人杖挑藤束筐筥登市每
歲正二月之交負而入郭者價賤於土人行市中衣袂
皆馥 珍珠船世稱三友竹有節而嗇花梅有花而嗇
葉松有葉而嗇香惟蘭獨並有之 花史宋羅畸元祐

四年為滁州刺史明年治廨宇於堂前植蘭數十本為
之記曰予之於蘭猶賢朋友朝襲其馨暮擷其英攜書
就觀引酒對酌 吳孺子藏蘭百本靜開一室良適幽

情 一統志浙江蘭谿縣蘭陰山多蘭蕙 武義菊妃

山多蘭菊 南昌府寧州內有石室北多蘭茝 福建

志福安縣白雲山上有庵庵前兩池產蘭玉色向午開

浮水面過時即沉人呼為午時蘭 四川志慶符縣南

石門山一名蘭山其林薄中多蘭 原勾踐種蘭渚山

王右軍蘭亭是也今會稽山甚盛餘姚縣西南並江有

浦亦產蘭其地曰蘭墅洲自建蘭盛行不復齒及移入

吳越輒凋有善藏者售之輒得高價而香終少減 蜂

採百花俱置股間惟蘭則拱背入房以獻於王物亦知
蘭之貴如此

集藻序原明王世貞續蘭譜序閩多蘭趙時庚王貴學
氏皆閩人故後先能譜蘭諸所以為蘭之事盡矣而吾
老友張應文氏顧又能為續蘭譜其所以為蘭之事又
大出於二譜之外而又能為歌詩古今體幾百篇以侈
之若杲禪師悟後雋語百出而百不窮張君吾吳人也
酈道元高陽注江南水經歐陽永叔廬陵譜洛中牡丹

不是過也予不能從嵇含曉南中花木意亦不大好之
顧獨好蘭而不甚曉其事與所以滋培之理友人有所見
貽者至冬輒萎敗亦任之而已今從張君譜稍得其事
與理而園居力不能致今者似別得策第手靖節栗里
譜與其詩各一編陸羽張又新水譜各一編蔡君謨茶
錄一編以佐張君之二譜而日與之徜徉於峭蒨青蔥
之下閒歌陶詩渴則拈茶水譜隨意讀之覺此身如入
陽羨吸中冷已徐翻張君所纂譜詠其得意句鼻觀習

習芬馥兩腋風舉作天際真人想又何必左擁陳良紫
右侍魚魴白而後快哉或曰蘭之傳自屈子騷始也子
何以不騷而靖節之是援且不虞彼蘓忌哉曰不然蘭
君子也貴而大國賤而幽谷所為香不改也屈子才大
於蘭而志趣不一吾故取陶氏焉今之蘓麗矣非陶氏
蘓也以故不能與蘭偕蘭亦不受妒不爾寧無東籬數
枝以伴我九畹哉吾取蘭而陶之取陶而蘭之即屈子
所不能妒而况蘓也張君善吾言識而弁於簡端

題跋增宋黃庭堅書幽芳亭士之才德蓋一國則曰國士女之色蓋一國則曰國色蘭之香蓋一國則曰國香自古人知貴蘭不待楚之逐臣而後貴之也蘭甚似乎君子生於深山叢薄之中不為無人而不芳雪霜凌厲而見殺來歲不改其性也是所謂遯世無悶不見是而無悶者也蘭雖含香體潔平居與蕭艾不殊清風過之其香藹然在室滿室在堂滿堂是所謂含章以時發者也然蘭蕙之才德不同世罕能別之予放浪江湖之日

久乃盡知其族蓋蘭似君子蕙似士夫大槩山林中十
蕙而一蘭也離騷曰予既滋蘭之九畹又樹蕙之百畝
招魂曰光風轉蕙泛崇蘭是以知楚人賤蕙而貴蘭久
矣蘭蕙叢出時以沙石則茂沃以湯茗則芳是所同也
至其發華一幹一華而香有餘者蘭一幹五七華而香
不足者蕙蕙雖不若蘭其視椒椒則遠矣世論以為國
香矣乃曰當門不得不鋤山林之士所以往而不返者
耶周必大跋楊无咎畫秋蘭鄉人徐丙示予楊无咎

手畫香草題曰秋蘭後有兵部侍郎章茂獻國子博士
湯君實跋語其說特未定也予老而學圃問諸園丁則
曰春蘭夏芷秋蕙冬蓀葉莖花色往往多寡不同予異
其說徧以古書考之屈原離騷經紉秋蘭以為佩張衡
東京賦秋蘭被涯又思玄賦幽蘭可喻潘尼贈河陽詩
流聲秋蘭之類言蘭以秋而花也屈原九歌春蘭秋菊
陸機庭中奇樹詩勸友蘭時往往注春時也梁元帝詩春
蘭本無絕唐太宗詩春暉開紫苑淑氣媚蘭場之類此

言蘭以春而花也宋玉招魂賦光風轉蕙泛崇蘭抱朴
子春蕙秋蘭陸機悲歌行春芳傷客心蕙草饒淑景是
蕙亦可言春矣本草圖經蕙七月中旬開花至香是蕙
亦可言秋矣故騷經曰蘭芷變而不芳荃蕙化而為茅
蓋合四者而言之湘君歌亦云薜荔拍兮蕙綢蓀橈
兮蘭旌湘夫人則並言荃壁蘭橈蕙橈芷葺司馬相如
長門賦擗芬若以為枕席荃蘭而茝香乃知四時香草
同出異名葉常青而花隨時自屈宋至漢唐皆於蘭蕙

互言春秋豈邵伯溫見聞錄證黃氏之誤而已然則園
丁之說未為無據所謂禮失求之野歟

辨原宋朱子楚辭辨證蘭蕙二物本草言之甚詳劉次
莊云今沅澧所生花在春則黃不若秋紫之芬馥又黃
魯直云一幹一花而香有餘者蘭一幹數花而香不足
者蕙今按本草所言之蘭雖未之識然而云似澤蘭則
今處處有之蕙則自為零陵香尤不難識其與人家所
種葉類茅而花有兩種如黃說者皆不相似大抵古之

所謂香草必其花葉皆香而燥濕不變故可刈而為佩
若今之所謂蘭蕙則其花雖香而葉乃無氣其香雖美
而質弱易萎皆非可刈而佩者也 明王象晉正譌蘭
之為世重尚矣今世重建蘭北方尤為難致間得一本
置之書屋愛惜鄭重即拱壁不啻也及詳閱載集如遜
齋閑覽楚辭辨證本草綱目草木疏諸書乃知今所崇
尚皆非靈均九畹故物至有謂春花為蘭秋花為蕙者
其視紉秋蘭為佩之語不刺謬乎

傳原明方字蘭馨傳友姓蘭名馨字汝清號無知子始
祖國香草姓也鄭文公妾燕姑夢天與國香倚闌寤而
生子公異之物色求香得之幽谷賜姓蘭志倚闌也加
草不忘本也香後獨茂修德芬芳隱居深山雖困窮未
嘗改節仲尼稱為善人君子又傷其老草莽遺琴操以
彰其美識者亦曰使際風動時香名豈終泯乎自是子
孫蕃衍布散諸國楚屈原延之九畹每飯不忘忠憤不
平之氣賴之以洩原感其德佩服終身晉有鄰王樹者

謝安處之庭堦視如子弟至今詠蘭氏必曰謝庭歷唐而宋曰猗曰皋猗受知韓愈亦困窮愈曰揚揚其香不採何傷蓋美之也皋為朱元晦友後病歸元晦思之有願托孤根歲晏為期之句其冒姓者楚有拙漢有臺晉有亭又有善釀者武帝飲之甘呼蘭生而不名拙與桂擢同舟事君有濟川功臺於章帝時遊太學與崔駰私論武帝善惡事聞下有司臺自訟獲免拜令史亭好山水家有峻嶺茂林曲水之景名賢王羲之庾蘊輩上已

日就亭觴詠暢敘幽情以姓為名者有馬氏澤氏蹇氏
馬澤俱精醫善療腫毒疼痛蹇家廣積珠如粟人有求
之散而不惜又有莖芸蕙孫皆近族也馨始生異香滿
室人稱香孩兒皆曰何物老嫗生寧馨兒流芳百世必
斯人也既長聞木祖徠梅華竹直同道相交徃師之三
人曰子幽真雅淡和氣襲人予輩友也敢曰師乎遂深
相得號為四友時有嚴雪者攻申韓術草莽之士畏而
靡者萬計惟四友正色不動雪多方摧折之自如也明

年春天子布陽和之德靡者皆起四友名益重後本為
大夫梅居鼎鼎竹以笙簧才官翰林馨獨潛修不出復
與金利締交同心相規時人語曰膠漆雖謂堅不如金
與蘭馨性剛鯁每秋風起怒髮衝冠若聞雞起舞狀文
華一吐芳馨遠播人採其善不戴之首則佩之身奉以
羞祀苾苾芬芬神明來格凡大夫處士間其名無不愛
慕思友里有猶生性惡使氣人不之近疾馨異已面斥
曰人生當使人畏子之得人親媚無乃務為容悅乎馨

笑而不答性惡污穢有拔茹者必淨沙為地時進潔湯
斯暢舒自遂不爾則形容就悴無他歸潔其身也祕書
省有蠹魚為害上召馨拜掌書記害遂息因名其省曰
蘭省功成身退優游林泉或登高山或臨深崖或掃青
苔坐白石意泊如也閔子廣於取邀馨語曰聞子香譽
願效同心分香吐懷惟子之需敢不構莊禮子期與俱
化

賦增陳周弘讓山蘭賦爰有奇特之草產於空崖之地

仰鳥路而裁通跡行蹤而莫至挺自然之高介豈衆情
之服媚寧紉結之可求非延佇之能洎稟造化之均育
與卉木而齊致入坦道而銷聲屏山幽而靜異獨見識
於琴臺竊逢知於綺季 唐楊炯幽蘭賦惟幽蘭之芳

草稟天地之純精抱青紫之奇色挺龍虎之嘉名不起
林而獨秀必固本而叢生爾乃丰茸十步綿連九畹莖
受露而將低香從風而自遠當此之時叢蘭正滋美庭
幃之孝子循南陔而采之楚襄王蘭臺之宮零落無叢

漢武帝猗蘭之殿荒涼幾變聞昔日之芳菲恨今人之
不見至若桃花水上佩蘭若而續魂竹箭山陰坐蘭亭
而開宴江南則蘭澤為洲東海則蘭陵為縣隰有蘭兮
蘭有枝贈遠別兮交新知氣如蘭兮長不改心若蘭兮
終不移及夫東山月出西軒日晚受燕女於春闈降陳
王於秋坂乃有送客金谷林塘坐暝鶴琴未罷龍劍將
分蘭釭燭耀蘭麝氛氲舞袖迴雪歌聲遏雲度清夜之
未艾酌蘭英以奉君若夫靈均放逐離羣散侶亂鄢郢

之南都下瀟湘之北渚步遲遲而適越心鬱鬱而懷楚
徒眷戀於君王斂精神於帝女汀洲兮極目芳菲兮襲
予思公子兮不言結芳蘭兮延佇借如君章有德通神
感靈懸車舊館請老山庭白露下而鶴警秋風高而蚪
縈循階除而下望見秋蘭之青青重曰若有人兮山之
阿紉秋蘭兮歲月多思握之兮猶未得空佩之兮欲如
何抽琴命操為幽蘭之歌歌曰幽蘭生矣於彼朝陽含
雨露之津潤吸日月之休光美人愁思兮採芙蓉於南

浦公子忘憂兮樹萱草於北堂雖處幽林與窮谷不以
無人而不芳趙元淑聞而歎曰昔聞蘭葉據龍圖復道
蘭林引鳳雛鴻歸燕去紫莖歇露往霜來綠葉枯悲秋
風之一敗與蒿草而為芻 顏師古幽蘭賦惟奇卉之

靈德稟國香於自然灑嘉言而擅美擬貞操以稱賢詠
秀質於楚賦騰芳聲於漢篇冠庶卉而超絕歷終古而
彌傳若乃浮雲卷岫明月澄天光風細轉清露微懸紫
莖膏潤綠葉水鮮若翠羽之羣集譬彤霞之競然感羈

旅之招恨狎寓客之流連既不遇於擘採信無憂乎翦
伐魚始陟以先萌鵲雖鳴而未歇願擢穎於金陛思結
蔭乎玉池泛旨酒之十醞耀華燈於百枝 喬葵幽蘭
賦蘭之生矣不以無人而不芳被廣澤森回塘和寡調
高未儷郢中之曲神符夢叶終傳鄭國之香贈靈修於
南浦襲嘉慶於北堂於是芊眠茂苑靡迤秋坂紉而為
佩騷人之意已深間以在衿楚客之情何遠薄秋風而
香盈十步汎皓露則花飛九畹豈衆草之敢陵幸移根

之未晚若乃昊露清今天氣新湘水碧兮楓岸春煙轉
綠蕙波搖白蘋榮曲沼之初蓮遺天涯之美人離別經
時歎孤芳於秀質艷陽可惜悵獨立於良辰復有映金
砌羅玉戶分竹宮疏蕙圃因風而起不隨彼茁之蓬擇
地以生能殊有扶之杜宜其比同心於先哲冠美名於
前古蘭之在幽兮其芳滿叢士守業兮其道未通入提
攜固在於高賞播酷烈當跋於下風寧使凋急景於散
地迫嚴凝於歲終况復光陰慘烈冰霰淒切靜而處順

不得近於階墀長未當門獨遣冒於霜雪艷歇紅暗莖
萎紫折懼鷓鴣之先鳴掩氛氲而頓絕於戲蘭與艾兮
異味薰與猶兮殊途一室之人誰當執我之契十年之
臭尚可攘公之踰囂然此道何有何無嗟乎蘭無薰兮
寡擷之所不及士無文兮聲華之所不立倘一借於韶
光庶餘香之可襲 陳有章幽蘭賦翹翹嘉卉獨成國
香在深林以挺秀向無人而見芳幽之可居達萌芽於
陰壑時不可失吐芬香於春陽所以紫翹十步名轉九

晚自下并高結根聳榦布葉逾密重陽未晚開絳葉而
乍合擢丹穎而何遠好遵正直生匪臨於斜徑不向嶮
巖質寧被於長坂獨茂幽壑厭若錯薪幾霑雨露猶苦
風塵采掇兮有日芳非兮度春得臨刈楚之地曷異修
詞之人燕妃夢中榮何名而不遂蜀琴曲裏奏何聲而
不新况衆英聚集傳香氣而相襲佳色蔥蘢帶煙翠而
攢叢固已歎夫貞潔期見賞於始終幽處斯久照臨忽
通喜會無私之日深繫有力之風幽莫過於芳蘭誠匪

同諸草莽充佩而靈均不棄入握而仙都必取詎比夫
山上蘼蕪泥中蘅杜將虛名以共播竟無善而足數焉
知夫光善才於左思能成賦於師古而已哉知我者謂
我如碩儒不知我者謂我如生芻此幽人之未已亦何
代而云無幸逢昭代得遇良哲雖偕薰蕕固有分別勿
以卉賤不顧幽芬勿以地寒不軫孤絕倘折英而入用
庶有光於優劣者也 韓伯庸幽蘭賦陽和布氣兮動
植齊光惟彼幽蘭兮偏含國香吐秀喬林之下盤根衆

草之旁雖無人而見賞且得地而含芳於是嫩葉旁開
浮香外襲既生成而有分何掇採之莫及入握稱美未
遭時主之恩納佩為華空載騷人之什光陰向晚歲月
將終芬芳十步之內繁華九畹之中亂羣峰兮上下雜
百卉兮橫叢況荏苒於光陰將衰敗於秋風豈不處地
稍幽受氣仍別蕭艾之新苗漸長桃李之舊蹊將絕空
牽戲蝶拂花蘂之翩翹未遇來人尋芳春而採折既生
幽徑且任榮枯暮輕煙而蔥翠帶淑氣而紛敷冀雨露

之薄及何見知之久無及夫日往月來時占歲覩遇達
人之回盼披荒榛而見取橫琴寫操夫子傳之而至今
入夢為徵燕姑聞之於前古生雖失處用乃有因枝條
嫩而既麗光色發而猶新雖見辭於下土幸因過於仁
人則知夫生理未衰採掇何晚幽名得而不朽佳氣流
而自遠既徵之而見寄願移根於上苑 仲子陵幽蘭
賦蘭惟國香生彼幽荒貞正內積芬華外揚和氣所資
不擇地而長精英自得不因入而芳况乃崖斷坂折蹊

分石裂山有木而轉深徑無人而自絕柔條獨秀芳心
潛結翡翠戲而相鮮蘼蕪生而共悅然後衆草之中迴
為一叢卑以自牧和而不同揚翹布葉舒翠錯紅宵承
結露曉汎光風傾於陽希所照無隱託其地知其道有
終且求之昔人徵以邃古宛成章於楚客爰命操於尼
父佩之衆匪蘭不紉曲之多匪蘭奚鼓夫以薰蕕之喻
臭味斯殊同之則十年猶有異之則一日而無乃清以
為露滋而為畹比德者以之守真贈離者以之傷遠宜

其出幽谷之濱為階除之珍羅堂未晚被徑知春依瑤
池而自庇與玉樹之為鄰杜若芳芷香辛白蘋俱受生
於大塊獨取象於同人是故蘭也之采伊人所急篇章
間起比興俱入道之廢可鋤而去道之興可俯而拾為
君灑微芳於素衿希見寶於重襲 李公進幽蘭賦幽

有寂兮蘭有香香者取其服媚寂者契其韜光是以綠
葉紫莖偶貞士而必佩深林絕壑挺奇質而獨芳觀其
異彩特秀結根自遠靡生於門寧滋於畹朝陽照而雜

花不得間其榮光風轉而衆草無以齊其偃杳杳深處
芬芬絕倫保貞操以擅美發英華以藻春葉凝露以珠
綴花含煙而色新移於友也則斷金之利樹之庭也則
如玉之珍豈比夫協夢呈祥表嘉名於鄭國循陔見采
流雅詠於詩人而已哉蘭之幽兮芳可折幽無人兮芳
不絕蘭之生兮美自豐生得地兮美無終故雖敗於涼
飈諒有嘉於前古方比契於松筠詎齊名於蘅杜且夫
麗白雪之綺靡被長坂之芬敷激餘芳以孤映極幽致

而自殊則在握者何居擇者何無蘭處幽而轉芳芳無
遠而不襲賢尚晦而必著著何道而不入伊哲人之素
履盍徵蘭以自執苟馨香之發聞越江山而採拾 原
李農夫幽蘭賦蘭之漪漪窅窅其香遁世無悶抱道深
藏不以無人而遂廢其芳磅礴冰霜之際虛徐蕭艾之
場揭之揚之於古有光不采而佩於蘭無傷豈膏黍之
為用也必焚必割珠犀之畢通也必剖必絕雖佩玉而
垂紳亦吐哺而握髮

文賦散句原屈原離騷扈江離與辟芷兮紉秋蘭以

為佩 余既滋蘭之九畹兮又樹蕙之百畝 時曖曖

其將罷兮結幽蘭而延佇 戶服艾以盈要兮謂幽蘭

其不可佩 蘭芷變而不芳兮荃蕙化而為茅 余以

蘭為可恃兮羌無實而容長 九歌蕙肴蒸兮蘭藉

浴蘭湯兮沐芳 薜荔拍兮蕙綢蓀撓兮蘭旌 桂

擢兮蘭櫟 沅有芷兮澧有蘭 桂棟兮蘭橈 擗蕙

擗兮既張 疏石蘭兮為芳 秋蘭兮蘼蕪羅生兮堂

下綠葉兮素枝芳
菲菲兮襲予
秋蘭兮青青
綠葉兮

紫莖
被石蘭兮帶杜蘅
折芳馨兮遺所思
春蘭兮

秋菊長無絕兮終古
九章悲回風之搖蕙兮
蘭茝

幽而獨芳
宋玉九辨竊悲夫蕙華之曾敷兮
紛旖旎

乎都房
招魂光風轉蕙
汜崇蘭些
臯蘭被徑兮斯

路漸
景差大招茝蘭桂樹鬱彌路只
漢東方朔七

諫聯蕙芷以為佩兮
過鮑肆而失香
王褒九懷季春

兮陽陽列草兮成行
余悲兮蘭生委積兮縱橫
株穢

除兮蘭芷覩 劉向九歎懷蘭蕙與蘅芷兮行中野而
散之 懷芬香而挾蕙兮佩江蘺之菲菲 遊蘭皋與
蕙林兮晚玉石之嶮嵯 懷蘭芷之芬芳兮妒被離而
折之 王逸九思懷蘭英兮把瓊若

四言古詩增漢張衡怨篇猗猗秋蘭植彼中阿有馥其
芳有黃其葩雖曰幽深厥美彌嘉之子云遠我勞如何
晉嵇康酒會詩猗猗蘭藹植彼中原綠葉幽茂麗藥
濃繁馥馥惠芳順風而宣將御椒房吐薰龍軒瞻彼秋

草悵矣惟騫

五言古詩

御製秋蘭并序殿前盆卉芳蘭獨秀昔人稱為王者香又以
方之君子因題四韻猗猗秋蘭色布葉何蔥青愛此王者
香著花秀中庭幽芬散紺帙靜影依疎櫺豈必九畹多侈
彼離騷經

增梁武帝紫蘭始萌種蘭玉臺下氣暖蘭始萌芬芳與
時發婉轉迎節生獨使金翠嬌偏動紅綺情二遊何足

懷一顧非傾城羞將苓芝侶豈畏鴟鳴
元帝賦得

蘭澤多芳草春蘭本無艷春澤最歲蕤燕姬得夢罷尚
書奏事歸臨池影入浪從風香拂衣當門已芬馥入室
更芳菲蘭生不擇徑十步豈難稀
宣帝詠蘭折莖聊

可佩入室自成芳開花不競節含秀委微霜
陳張正

見賦新題得蘭生野徑披襟出蘭畹命酌動幽心鋤罷
還開路歌喧自動琴華燈共影落芳杜雜花深莫言閒
徑裏遂不斷黃金
原唐李白贈友蘭生不當戶別是

閑庭草夙被霜雪欺紅榮已先老謬接瑤華枝結根君
王池顧無馨香美叨沐春風吹餘芳若可佩卒歲長相
隨古風孤蘭生幽園衆草共蕪沒雖照陽春暉復悲
高秋月飛霜早淅瀝綠艷恐休歇若無清風吹香氣為
誰發賀蘭進明古意崇蘭生澗底香氣滿幽林采采
欲為贈何人是同心日暮徒盈把徘徊憂思深慨然紉
雜佩重奏丘中琴增溫庭筠余昔自西濱得蘭數本
移藝於庭亦既逾歲而芄然蕃殖自余遊者未始以芳

草為遇矣因悲夫物有厭常而返不若混然者有之焉
遂寄情於此寓賞本殊致意幽非我情吾常有疏淺外
物無重輕各言藝幽深彼美香素莖豈為賞者設自保
孤根生易地無赤株麗土亦同榮賞際林壑近泛餘煙
露清余懷既鬱陶爾類徒縱橫妍媸苟不信寵辱何為
驚真隱諒無迹激時猶簡名幽叢靄綠晚豈必懷歸耕
陳陶種蘭種蘭幽谷底四遠聞馨香春風長養深枝
葉趁人長智水潤其根仁鋤護其芳蒿藋不生地惡鳥

弓已藏椒桂夾四隅茅茨居中央左鄰桃花塢右接蓮
子塘一月薰手足兩月薰衣裳三月薰肌骨四月薰心
腸幽人饑如何採蘭充餽糧幽人渴如何醞蘭為酒漿
地無青苗租白日如羲皇不啻仙人藥端坐紅霞房日
夕望美人佩花正煌煌美人久不來佩花徒生光刈穫
及歲蕤無令見雪霜清芬信神鬼一葉豈可忘舉頭愧
青天鼓腹詠時康下有賢公卿上有聖明王無階答風
雨願獻蘭一筐 宋蘇軾題楊次公春蘭春蘭如美人

不採羞自獻
時聞風露香
蓬艾深不見
丹青寫真色
欲補離騷傳
對之如靈均
冠佩不敢燕
范成大次韻
溫伯種蘭靈
均墮荒寒采
采紉蘭手九
畹不留客
高丘一回首
崢嶸路孔棘
悽愴肘生柳
遂令此粲者
永與窮愁友
不如湯子遠
情事只詩酒
但知愛國香
此外付烏有
栽培帶苔蘚
披拂護塵垢
孤芳亦有遇
灑濯居座右
君看深林下
埋沒隨藜莠
陸游蘭南巖
路最近飯已
時散策香來
知有蘭遠求
乃弗獲生世
本幽谷豈願
為世

娛無心託階庭當門任君鋤
楊萬里題蕙花初開幽
人非愛山出山將何之山居種蘭蕙歲寒久當知初藝
止百畝餘地惜奚為先生無廣居千巖一茅茨四面祇
藝蕙中間纔置錐銳綠分宿叢脩紫擢幼枝孤幹八九
花一花破初蕤西風淡無味微度成香吹燈夢得幽馥
月寫傳靜姿我欲掇芳英和露充晨炊眷然惻不忍環
翫自忘饑豈無衆花草不願秋不遲種時亂不擇歲晚
悔可追
薛季宣種蘭蘭生林樾間清芬倍幽遠野人

坐官曹茲意極不淺西窓蔽斜日松釵架春晚墻陰蒔
花木顛顚根日損植此山國香坐與前事反扶疎可紉
佩心緒端有本芽生僅盈壇高風成九畹羣芳顏色好
祇自誇園苑何如淡嚼蠟草莽曾誰混對我靜無言忘
形如莽萼刈蘭東畹刈真香靜院簪瓶水高遠不勝
情時逐微風起和雨翦閑庭誰作騷人語記得舊家山
香來無覓處朱子謝人送蘭二首幽獨塵事屏晚晚
秋蘭滋芬馨不自媚掩抑空相思晤對日方永披叢露

未晞脩然發孤詠九畹陳悲詩 淹留閱歲序契濶心

懷憂獨臥寄僧閣一室空山秋徘徊起顧望俯仰誰為
儔伊人遠贈問孤根亦綢繆芳馨不我遺三載娛清幽
愧無瓊琚報厚意竟莫酬瞻彼南陔詩使我心悠悠

秋蘭已悴以其根歸學古秋至百草晦寂寞寒露滋蘭
臯一以悴蕪穢不能治端居念離索無以遺所思願言
托孤根歲晏以為期 原周竹坡藝蘭當九畹蘭生香
滿路紉君身上衣光明奪縑素孤芳一衰歇凋零濕秋

露佩服得君子亦足慰遲暮 增元岑安卿盆蘭猗猗

紫蘭花素秉巖穴趣移栽碧盆中似為香所誤吐舌終

不言畏此塵垢污豈無高節士幽深共情素俛首若有

思清風颯庭戶 明宋濂蘭花篇陽和煦九畹晴芬溢

青蘭潛姿發玄麝幽藹凝紫檀綠蘿托芳鄰白谷挹高

寒玄聖未成調湘纍久長歎菖蓀雖外蔽貞潔終能完

豈知生平心卒獲君子觀雜以青瑤芝承以白玉槃靈

風曉方薦清露夜初溥此時不見知駢羅混荒菅春風

桃杏華爛若霞綺攢徒媚夸毗子千金買歌歡棄之不
彼即要使中心安願結娥人佩把玩日忘餐

七言古詩增元薩都拉蘭臯曲溪水長涵幽草芳春溪
露滴蘭葉光美人日暮采蘭去風吹露濕芙蓉裳芙蓉
為裳蘭結佩玉立亭亭臨水際天寒袖薄人不知疎雨
蘭芳鳴翡翠幽蘭日日吹古香美人不來溪水長王
冕明上人畫蘭圖吳興二趙俱已矣雪窓因以專其美
不須百畝樹芳菲霜毫掃運光風起大花哆唇如笑人

小花斂睂如羞春翠影飄飄舞輕浪正色不染湘江塵
湘江雨冷暮煙寂欲問三閭杳無迹愴懽不忍讀離騷
目極飛雲楚天碧 明李東陽觀畫蘭有感春風吹香
出芳林叢蘭開傍西巖陰幾回欲采意不適路轉溪迴
山更深虛堂披圖對幽襟忽如攬衣度崎嶇欽杏壇尼父
去已遠湘江屈原空獨沉我方揮絃坐微吟微吟未成
日將晚冰霜欲來侵九畹蘭兮蘭兮竟誰管

五言律詩

御製雲栖竹樹甚茂幽蘭滿山山徑紆徐合溪聲到處聞竹
深陰戛日木古勢干雲倚檻聽嘯鳥攀崖採異芬韶華春
已半萬物各欣欣

增唐太宗芳蘭春暉開紫苑淑景媚蘭場映庭含淺色
凝露泣浮光日麗參差影風傳輕重香會須君子折佩
裏作芬芳 李嶠蘭虛室重招尋忘言契斷金英浮漢
家酒雪灑楚王琴廣殿輕風發高臺遠吹吟河汾應擢
秀誰肯訪山陰 張九齡園中時蔬盡皆鋤理唯秋蘭

數本委而不顧彼雖一物有足悲者遂賦二章塲藿已
成歲園葵亦向陽蘭時獨不偶露節漸無芳旨異菁為
蓄甘非蔗有漿人多利一飽誰復惜馨香 幸得不鋤
去孤苗守舊根無心羨旨蓄豈欲近名園遇賞寧充佩
為生莫礙門幽林芳意在非是為人論 崔塗幽蘭幽
植衆寧知芬芳只暗持自無君子佩未見國香衰白露
沾長早春風到每遲不如當路草芬馥欲何為 釋無
可詠蘭蘭色結春光氤氲掩衆芳過門堦露葉尋澤徑

連香晚靜風吹亂亭秋雨引長靈均曾採擷紉珮挂荷
裳 原宋蘇軾題次公蕙蕙本蘭之族依然臭味同曾
為水仙佩相識楚辭中幻色雖非實真香亦竟空云何
起微馥鼻觀已先通 朱子去歲蒙學古分惠蘭花清
賞既歇復以根叢歸之故畹而學古預有今歲之約近
聞頗已著花輒賦小詩以尋前約秋蘭遞初馥芳意滿
冲襟想子空齋裏淒涼楚客心夕風生遠思晨露灑中
林頗憶孤根在幽期得重尋 增王柏蘭早受樵人貢

春蘭訪舊盟謝庭誇瑞物楚澤擷芳名蒼玉裁圭影紫
檀含露英奚奴培護巧苔蘚日菁菁

七言律詩增宋蘇轍種蘭蘭生幽谷無人識客種東軒
遺我香知有清芬能解穢更憐細葉巧凌霜根侵密石
秋芳早叢倚修筠午蔭涼欲遣蘼蕪共堂下眼前長見
楚詞章原揚萬里蘭花雪徑偷開淺碧花冰根亂吐
小紅芽生無桃李春風面名在山林處士家政坐國香
到朝市不容霜節老雲霞江蘺圃蕙非吾耦付與騷人

定等差 劉克莊深林不語抱幽貞賴有微風遞遠馨

開處何妨依薜砌折來未肯戀金瓶孤高可把供詩卷
素淡堪移入臥屏莫笑門無佳子弟數枝濯濯映階庭
兩盆去歲共移來一置雕闌一委苔我拙扶持令葉
瘦君能調護遣花開隸人挑蠹巡千匝稚子澆泉走幾
回亦欲效顰耘小圃地荒終恐費栽培 明文徵明建
蘭靈根珍重自甌東紺碧吹香玉兩叢和露紉為湘水
佩臨風如到蕊珠宮誰言別有幽貞在我已相忘臭味

中老去相如才思減臨窓欲賦不能工

五言排律增唐劉禹錫令狐相公見示新栽蕙蘭二草
之什兼命同作上國庭前草移來漢水潯朱門雖易地
玉樹有餘陰艷彩凝還泛清香絕復尋光華童子佩柔
輦美人心惜晚含遠思賞幽空獨吟寄言知音者一奏
風中琴

五言絕句增唐唐彥謙詠蘭清風搖翠環涼露滴蒼玉
美人胡不紉幽香藹空谷 謝庭漫芳草楚畹多綠莎

於焉忽相見歲晏將如何 宋王安石朱朝議移法雲

蘭幽蘭有佳氣千載閬山阿不出阿蘭若豈遭乾闥婆

原楊萬里詠蘭健碧續續葉斑紅淺淺芳幽香空自

祕風肯祕幽香 朱子詠蕙今花得古名旖旎香更好

適意欲忘言塵編詎能老 蘭澗光風浮碧澗蘭杜日

猗猗竟歲無人採含薰只自知 增元偈俟斯春蘭深

谷暖雲飛重巖花發時非因采樵者那得外人知 秋

蕙出叢不盈尺空谷為誰芳一徑寒雲色滿林秋露香

陳旅題畫蘭九畹光風轉重巖墜露香紫宮祠太乙
瑤席薦瓊芳 張羽詠蘭花能白更兼黃無人亦自芳
寸心原不大容得許多香 詠蘭葉泣露光偏亂含風
影自斜俗人那解此看葉勝看花 鄭氏允端詠蘭並
石疎花瘦臨風細葉長露均清夢遠遺佩滿沅湘
七言絕句

御製詠幽蘭婀娜花姿碧葉長風來難隱谷中香不因細取
堪為佩縱使無人亦自芳

增唐杜牧蘭溪蘭溪春盡碧泱泱映水蘭花兩發香楚

國大夫顓頊日應尋此路去瀟湘 宋梅堯臣蘭楚澤

多蘭人未辨盡以清香為比擬蕭茅杜若亦莫分唯取

芳馨襲衣美 蘇轍幽蘭花二首李徑桃蹊次第開穠

香百和襲人來春風欲擅秋風巧催出幽蘭繼落梅

珍重幽蘭開一枝清香耿耿聽猶疑定應欲較香高下

故取羣芳競發時 次韻答人幽蘭幽花耿耿意羞春

綉佩何人香滿身一寸芳心須自保長松百尺有為薪

答琳長老寄幽蘭谷深不見蘭生處追逐微風偶得
之解脫清香本無染更因一嗅識真如 原朱子蘭謾
種秋蘭四五莖疎簾底事太關情可能不作涼風計護
得幽香到晚清 增劉克莊詠蘭蕭艾榮枯各有時深
藏芳潔欲奚為世間鼻孔無憑托且伴幽窓讀楚詞

原趙以夫詠蘭一朶俄生几案光尚如逸士氣昂藏秋
風試與平章看何事當時林下香 增方岳買蘭幾人
曾識離騷面說與蘭花枉自開却是樵夫生鼻孔擔頭

帶得入城來 元韓性題趙子固墨蘭鏤瓊為佩翠為
裳冷落遊蜂試采香煙雨館寒春寂寂不知清夢到沅
湘 明陸治畫了蘭玉戟稜稜應節分枝枝柔玉紉香
雲凝妝擬待三更月露染生綃六幅裙 文嘉蘭花奕
奕幽蘭傍砌栽紫莖綠葉向春開晚晴庭院微風發忽
送清香度竹來 原余同麓詠蘭手培蘭葉兩三栽日
暖風和次第開坐久不知香在室推窓時有蝶飛來
百草千花日夜新此君竹下始知春雖無艷色如嬌女

自有幽香似德人
何處幽香撲酒樽
洲中杜若畹中

蓀
紉來為佩
裁為服
不許資施挂華門

詩散句原宋僧道潛陽崖月窟得芳叢
滿握歸來誇所

逢
淨掃幽徑植薜墀
紫莖綠葉弄奇姿
疎簾風暖日華

薄
芳馥滿懷君自知
增唐韓愈蘭之猗猗揚揚其香

不採而佩於蘭何傷
晉陶潛幽蘭生前庭含薰待清

風
清風脫然至見別蕭艾叢
漢酈炎秋蘭榮何晚嚴

霜悴其柯
原晉張華蘭蕙緣清渠繁華蔭綠渚
增

傳玄秋蘭陰玉池池水清且芳 郭璞蘭生蓬苞間榮

曜常幽翳 唐太宗水光翻照樹提蘭倒插波 陳子

昂蘭若生春夏芊蔚何青青 張九齡紫蘭秀空蹊皓

露奪幽色 原李白寄君青蘭花惠好庶不絕 增錢

起蘭生霽後日花發夜來風 宋陳與義苗分鄭七穆

香發謝諸郎 元馬臻細葉舒冷翠貞葩結青陽 宋

錢惟演紅蘭受露銷晨渴綠蕙翻風折夜醒 文彥博

燕姑夢魂誰是見謝家庭戶本來多 劉敞深林幽寂

秋雨晦叢蘭猗猗無所佩 原魏文帝秋蘭被幽壑

增曹植秋蘭被長坂 嵇康時下息蘭池 原阮籍清

露被蘭皋 增晉潘尼添馥馨秋蘭 陶潛榮榮寔下

蘭 宋謝靈運清露灑蘭藻 梁劉孝綽蘭芽隱陳葉

唐李嶠蘭氣襲回風 陳子昂朱蕤冒紫莖 蘇頌

御杯蘭薦葉 張九齡蘭葉春葳蕤 蘭林覽餘滋

王丘蘭露滋香澤 原李白蘭幽香風遠 增李白清

風灑蘭雪 原杜甫猗蘭奕葉光 夢蘭他日應 增

儲光義叢蘭秋蝶多 錢起種蘭入山翠 萌蕙暖初

吐 白居易掃徑避蘭芽 韋應物紫蘭含幽色 孟

郊蘭葉露華浮 張籍翦草出幽蘭 杜牧幽蘭思楚

澤 鄭谷蘭洲晚泊香 許渾露曉紅蘭重 宋劉筠

渚蘭薰露夕 邵雍紅蘭靜自披 孫覲寒秀紉春蘭

元陳旅雨暖蘭抽筍 原唐李白煙開蘭葉香風暖

增劉禹錫蘭在幽林亦自芳 原白居易春風新長

紫蘭芽 李賀光風催蘭吹小殿 李商隱風聲偏獵

紫蘭叢 王建荒郊遠處有芳蘭 增韋莊蘭惹春風

綠映袍 原宋張耒更許光風為泛香 增戴復古室

有蘭花不炷香

詞原宋向子諲浣溪沙綠玉叢中紫玉條幽花疎淡更

香饒不將紅粉污高標 空谷佳人宜作伴貴游公子

不能招小窓相對誦離騷 增釋仲殊浣溪沙楚客才

華為發揚深林著意不相忘夢成燕國正芬芳 莫把

品名閒擬議且看青鳳羽毛長十分領取面前香 又

醉花陰輕紅夢引絲多少翦青蘭葉巧人向月中歸留
下星鈿彈破真珠小管絃不管春知道著繡簾圍繞
只空被東風偷得餘香付與閒花草

別錄原蜀志先主常銜張裕不遜下獄將誅之諸葛亮
表請其罪先主答曰芳蘭生門不得不鋤晉書謝玄
傳安嘗戒約子姪因曰子弟亦何預人事而正欲使其
佳諸人莫有言者玄答曰譬如芝蘭玉樹欲使其生於
庭階耳增圖繪寶鑑鄭思肖字所南福州人工畫墨

蘭嘗自畫蘭卷長丈餘高可五寸許天真爛漫超出物

表題云純是君子絕無小人 原養蘭口訣正月安排

在坎方離明相對向陽光晨昏日曬都休管要使蒼顏

不改常 二月栽培其實難須防葉作鷓鴣斑四圍插

竹防風折惜葉猶如惜玉環 三月新條出舊叢花盆

切忌向西風隄防濕處多生虱根下猶嫌太糞濃 四

月中庭日乍炎盆間泥土立時乾新鮮井水休澆灌膩

水時傾味最甜 五月新芽滿舊窠綠陰深處最平和

此時葉退從他性翦了之時愈見多 六月驕陽暑氣

加芬芳枝葉正生花涼亭水閣堪安頓或向簷前作架

遮 七月雖然暑漸消只宜三日一番澆最嫌蚯蚓傷

根本苦旱煎湯尿汁調 八月天時稍覺涼任他風日

也無妨經年污水今須換却用雞毛浸水漿 九月時

中有薄霜堦前簷下慎行藏若生蟻螳妨黃腫葉灑油

茶庶不傷 十月陽春暖氣回來年花筍又胚胎幽根

不露真奇法盆滿尤須急換栽 十一月天宜向陽夜

間須要慎收藏常教土面微生濕乾燥之時葉便黃

臘月風寒雪又飛嚴收暖處保孫枝直教凍解春司令
移向庭前對日暉 種植性喜陰其莖葉柔細生幽谷

竹林中者宿根移植膩土多不活即活亦不多開花莖
葉肥大而翠勁可愛者率自閩廣移來種法九月終將
舊盆輕擊碎緩緩挑起舊本刪去老根勿傷細根取有
竅新盆用麤碗覆竅以皮屑尿缸瓦片鋪盆底仍用泥
沙半填取三季者三甌作一盆互相枕藉新甌在外分

種之糝土壅培勿用手捺實使根不舒暢長滿復分大
約以三歲為度盆須架起仍不可著泥地恐蚯蚓蝼蟻
入恐傷根令風從孔進透氣為佳 十月時花已胎孕

不可分若見霜雪大寒尤不可分否則必至損花分之
次年不可發花恐洩其氣則葉不長凡善於養花切須
愛其葉葉聳則不慮花不茂也 位置蘭性好通風臺

不可太高高則衝陽亦不可太低低則隱風地不必曠
曠則有日亦不可太狹狹則蔽氣前宜南面後宜背北

蓋欲通南薰而障北吹也右宜近林左宜近野欲引東日而被西陽也夏遇炎烈則蔭之冬逢沍寒則曝之下沙欲疏疏則連雨不能淫上沙欲濡濡則酷日不能燥至於插引葉之架平護根之沙防蚯蚓之傷禁螻蟻之穴去其莠草除其絲網助其新篴翦其敗葉尤當一一留意者也修整花時若枝上藥多留其壯大者去其瘦小若留之開盡則奪來年花信性畏寒暑尤忌塵埃葉上有塵即當滌去蘭有四戒春不出夏不日秋不乾

冬不濕養蘭者不可不知 澆灌春三二月無霜雪時
放盆在露天四面皆得澆水澆用雨水河水皮屑水魚
腥水雞毛水浴湯夏用皂角水豆汁水秋用爐灰清水
最忌井水須四面勻灌勿得灑下致令葉黃黃則清茶
滌之日曬不妨逢十分大雨恐墜其葉用小繩束起如
連雨三五日須移避雨通風處四月至七月須用疎密
得所竹籃遮護置見日色通風處澆須五更或日未出
一番黃昏一番又須看乾濕濕則勿澆梅天忽逢大雨

須移盆向背日處若雨過即曬盆內水熱則蕩葉傷根
七八月時驕陽方熾失水則黃當以腥水或腐穢澆之
以防秋風肅殺之患九月盆乾用水澆濕則不澆十月
至正月不澆不妨最怕雪霜更怕春雪一點著葉一葉
即斃用密籃遮護安朝陽日照處南窓簷下須兩三日
一番旋轉使日曬勻則四面皆花用肥之時當俟沙土
乾燥遇晚方始灌溉候晚以清水碗許澆之使肥膩之
物得以下漬其根自無勾蔓逆上散亂盤盆之患更能

預以甕缸之屬儲蓄雨水積久色綠者間或灌之其葉
淳然挺秀濯然爭茂盈臺簇檻列翠羅青縱無花開亦
見雅潔 收藏冬作草囤比蘭高二三寸上編草蓋寒
時將蘭頓在中覆以蓋十餘日河水微澆一次待春分
後去囤只在屋內勿見風如有枯葉翦去待大暖方
可出外見風春寒時亦要進屋常以洗鮮魚血水并積
雨水或皮屑浸水苦茶灌之 衛護忽然葉生白點謂
之蘭虱用竹鍼輕輕剔去如不盡用魚腥水或者煮蚌湯

頻灑之即滅或研蒜和水新羊毛筆蘸洗去珍珠蘭法
同盆須安頓樹陰下如盆內有蚓用小便澆出移蚓他
處旋以清水解之如有蟻用腥骨或肉引而棄之 釀
土用泥不拘大要先於梅雨後取溝內肥泥曝乾羅細
備用或取山上有火燒處水衝浮泥再尋蕨菜待枯以
前泥薄覆草上再鋪草再加泥如此三四層以火燒之
澆入糞乾則再加再燒數次待乾取用一云將山土用
水和勻搏茶甌大猛火煨紅火煨者恐蟻蚓傷根也捶

碎拌雞糞待用如此蓄土何患花之不茂

附錄
蘭草

增毛詩傳蘭蘭也 埤雅蘭香草也 爾雅翼蓋今之

蘭草都梁香也

盛弘之荊州記曰都梁縣有山山下有水清淺其中生蘭草因名都梁

本草蘭一名水香一名香水蘭

時人煮水以浴風故名

一名燕尾

香

其葉有歧

一名大澤蘭一名蘭澤草

生澤畔婦人

一名煎

澤草一名省頭草

夏月采置髮中令頭不腫

一名女蘭一名孩兒菊

女子小兒喜佩之

一名千金草李時珍曰二月宿根生苗成叢

紫莖素枝赤節綠葉葉對節生有細齒嫩時可掇而佩之八九月漸老高者三四尺開花成穗如雞蘇花中有

細子

萎蘼或即此類

彙考原詩鄭風士與女方秉蘭兮 增夏小正五月畜

蘭為沐浴也 新論蘭可燔而不可滅其馨 束皙補

亡詩循彼南陔言采其蘭注以為佩也 埤雅德芬芳

者佩蘭古之佩者各象其德 爾雅翼其物可殺蟲毒

除不祥故鄭人方春三月於溱洧之上士女相與秉蘭

而被除 草木疏蘭為王者香草其莖葉皆似澤蘭廣而長節節中赤高四五尺漢諸池苑及許昌宮中皆種之可著粉中藏衣著書中辟白魚

集藻五言古詩增明楊慎采蘭引并序廣通縣東響水關產蘭綠葉紫莖春華秋馥蓋楚騷所稱紉佩之蘭也人家盆植如蒲萱者蓋蘭之別種曰蓀與芷耳時川姜子見而采之以贈予知九畹之受誣千載矣一旦而雪作采蘭引秋風衆草歇叢蘭揚其香綠葉與紫莖猗猗

山之陽結根不當戶無人自芬芳密林交翳翳鳴泉何
湯湯欲采往無路跼步愁褰裳美人馳目成要予以昏
黃山谷歲復晚修佩為誰長采芳者何人蓀芷共升堂
徒令楚老惜坐使宣尼傷感此興中懷絃琴不成章

附錄
蕙草

原蕙草一名薰草

廣雅云薰草蕙草也又云茵薰也其葉謂之薰

一名香草

埤雅

云薰香草也

一名燕草一名黃零香即今零陵香也

爾雅翼云南越

名燕草邵氏集云唐人名零子香以其花倒懸如零也

零陵地名舊治在今全州

湘水發源出此 今人所謂廣零陵香草真薰草今鎮
江丹陽皆時而刈之以酒灑制芬香更烈生下濕地方
莖葉如麻相對生七月中旬開赤花甚香黑實江淮亦
有但不及湖嶺者更芬郁耳

彙考增拾遺記須彌山第九層山形漸小狹下有芝田
蕙圃羣仙種耨焉 博雅天子祭以鬯諸侯以薰 埤
雅凡氣薰則惠和暴則酷烈故於文惠草為蕙詩云南
風之薰兮可以解吾民之愠兮薰惠和也故可以解民

之慍莊子曰薰然慈仁謂之君子亦取諸此 廣雅蕙

草綠葉紫花魏武帝以為香燒之 桂海虞衡志零陵

香融宜等州甚多土人以編席薦性暖宜人

集藻五言古詩原漢樊欽詠蕙蕙草生山北託身失所
依植根蔭崖側夙夜懼危顙寒泉浸我根淒風常徘徊
三光照八極獨不蒙餘暉葩葉非彫瘁凝露不暇晞百
卉皆含榮已獨失時姿比我英芳發鵲鳩鳴已哀

七言絕句增唐杜牧和令狐侍御賞蕙草尋常詩思巧

如春又喜幽亭蕙草新本是馨香比君子遶闌今更為
何人

詩散句原漢趙壹被褐懷珠玉蘭蕙化為芻 增唐張

九齡庭前攬芳蕙江上託微波 原楊巨源清潤潘郎

玉不如中庭蕙草雪消初 李白春蕙忽秋草 蕙草

留芳根 杜甫蕙葉亦難留 增李嘉祐白露沾蕙草

杜牧鬪草憐香蕙 密蕙嬌幽圃 羅隱風引蕙心

斜 楊億蕙草吐青煙 原杜甫寵光蕙葉與多碧

增白居易閒從蕙草侵堦綠 李維蕙草煙微度綺疏

附錄 澤蘭

增廣雅虎蘭澤蘭也 本草澤蘭一名虎蒲一名龍棗
一名風藥根名地筍吳普云二月生苗赤節四葉相值
支節間蘇頌云根紫黑色如栗根二月生苗高二三尺
莖幹青紫色作四稜葉生相對如薄荷微香七月開花
帶紫白色萼通紫色亦似薄荷花此與蘭草大抵相類
但蘭草生水旁葉光潤根小紫五六月盛而澤蘭生水

澤中及下濕地葉微尖有毛不光潤方莖紫節七八月初採此為異爾

彙考原遯齋閒覽楚辭所詠之蘭或以為都梁香或以為澤蘭或以為猗蘭草今當以澤蘭為正山中又有一種如大葉麥門冬春開花極香此則名幽蘭非真蘭也

附錄
真珠蘭

原真珠蘭一名魚子蘭色紫蓓蘩如珠花開成穗其香甚濃四月內節邊斷二寸插之即活喜肥忌糞以魚腥

水澆之則茂十月半收無風處以盆覆土封之水澆勿
令乾來年愈茂花戴之髻香聞甚遠以蒸牙香棒香名
蘭香非此不可廣中甚盛葉能斷腸

附錄
伊蘭

原伊蘭出蜀中名賽蘭樹如茉莉花小如金粟香特馥
烈戴之香聞十步經日不散

集藻賦增明揚慎伊蘭賦并序江陽有花名賽蘭香不
足於艷而有餘於香戴之髮紛經旬猶馨意古者紉佩

之用類浴之具必此物也西域有伊蘭以為佛供即此
漢書所謂伊蒲之供也從而為之賦曰英英有蘭猗猗
其美諡以伊蘭實自邛始維蘭之品粵繁有叢曰蕙曰
蓀錯選丰茸曰芷曰蒹名殊物同形如蒲萱盆盞是薦
謠俗攸珍乃蘭之屬可佩可紉服之媚人昔號國香今
茲曷湮宜湯宜浴陳除新沃昔聞其語今茲則醜先正
訾蘭謂識之艱山谷致疑晦翁屢歎懿若卉之挺生兮
何理美而琦絕既歲蕤以晞暘兮亦辰岑而帶岳友射

干而偕生兮朋荔挺而俱發
漱玄英之朝澤兮應復至
之陽月秉荼蘼之萼榮兮擅芳菲之酷烈
開以景風之淑辰兮貫乎星回之火節
漱沉澁之芳潤兮全朱明之炎德
匪直十步之有芳兮曾諗經旬之未歇
乃有娥媯掩嫵靡曼
娈昭步步移艷笑笑傾城
子夫興於鬢髮
昭儀寵於體馨
曳步搖之馥郁
映角犀之豐盈
若蘭機回文之錦
李蘭琴綠綺之聲
爰色授而魂與
且目眩而心縈
倭脩梁家之髻
浮渲韋娘之纓
咸纖指兮爭掇
並巧

粲兮相迎都梁蟾蜍兮闕爾而減價虎蒲龍棗兮瞠乎
其亡菁超旃檀於雪域壓迷迭於雲清星芒當晝而弗
隱金粟未秋而先成埒瑤華兮玉藥叶綠葉兮紫莖堪
納涼於玄圃思御風兮蓬瀛詎數秋紅之藺子豈顧晚
翠之長卿爰感子兮體物遂錫子以嘉名重為系曰肇
允嘉卉兮昉自炎皇媿人之佩兮王者之香深谷逶迤
兮無人自芳宣尼息鄒兮屈平繫湘晨月秋風兮屬國
之堂洪波霜晚兮謫仙之鄉紉遺佩捐兮庸亦何傷體

物瀏亮兮聊以相羊

五言古詩增明陳憲章賽蘭南有賽蘭香名花人未識
光風散微馨甘露洗新碧一月薰蒸來氤氲在肝膈乃
知方寸根中稟天地塞誰為續騷手俯仰空悽惻窓戶
悄無人圖書共昕夕

七言絕句增明陳憲章賽蘭花開晴光三日轉花枝坐
對微醺忽有詩涓滴未嘗花上露南風莫只報人知

曲欄砌下少人窺戲蝶遊蜂忽滿枝君欲尋花須早計

只今猶是未開時
微風巾袂細氤氲
楚畹叢中別有
春
啜茗亦嫌風景殺
明朝載酒是何人
山花艷艷綴
旒
傍君愛深紅
愛淺黃
楚客見之揮不去
向人說是賽
蘭香

附錄
風蘭

原風蘭產溫台山陰谷中懸根而生幹短勁花黃白似
蘭而細不用土栽取大窠者盛以竹籃或束以婦人頭
髻銅鐵絲頭髮襯之懸見天不見日處朝夕啖以冷茶

清水或時取下水中浸濕又挂至春底自花即不開花而隨風飄揚冬夏長青可稱仙草亦奇品也最怕煙燼一云此蘭能催生將產挂房中最妙

附錄朱蘭

原朱蘭花開似蘭色如渥丹葉潤而柔粵種也

附錄箬蘭

原箬蘭葉似箬花紫形似蘭而無香四月開與石榴紅同時大都產海島陰谷中羊山馬跡諸山亦有性喜陰

春雨時種

附錄馬蘭

增本草馬蘭一名紫菊

其葉似蘭而大其花似菊而紫俗謂物之大者為馬也

李

時珍曰二月生苗赤莖白根長葉有刻齒狀似澤蘭但不香爾入夏高二三尺開紫花花罷有細子

御定佩文齋廣羣芳譜卷四十四

謹案第十三頁前五行孫橈兮蘭旌刊本句上衍承字又孫訛荃據楚詞改

第二十九頁前三行四面祇藝蕙刊本祇訛止今改

第三十六頁後四行蕭艾榮枯各有時刊本時訛意據宋詩本改





總校官庶吉士臣侍朝

校對官編修臣裴謙

謄錄監生臣全士虔

欽定四庫全書薈要

子部

御定廣羣芳譜卷四十五

十六

詳校官主事臣陳本

欽定四庫全書薈要卷一萬六百八子部

御定佩文齋廣羣芳譜卷四十五

花譜

芍藥

名餘容一名鉦一名犁食一名將離一名婪尾春

一名黑牽夷

廣雅作牽夷

本草曰芍藥猶倬約也美好貌此

草花容倬約故以為名處處有之揚州為上謂得風土之正猶牡丹以洛陽為最也白山蔣山茅山者俱好宿



根在土十月生芽至春出土紅鮮可愛叢生高一二尺
莖上三枝五葉似牡丹而狹長初夏開花有紅白紫數
色世傳以黃者為佳有千葉單葉樓子數種結子似牡
丹子而小 增本草一名白茱一名解倉白者名金芍
藥赤者名木芍藥 鄭虔胡本草芍藥一名沒骨花

原黃者有御衣黃

淺黃色葉疎蕊差深散出于葉間其葉端色又微碧高廣類黃樓子此種

宜升絕品黃樓子

盛者五七層間以金花之冠

袁黃冠子

宛如髻子間以

金線色峽石黃冠子

如金線冠子其色深如鮑黃

鮑黃冠子

大抵與大旋心

同而葉差不道妝成又上展淡黃大葉枝條硬而絕黃

綠葉扶疎而柔與紅紫稍異此品非今日之黃樓子乃黃絲頭中盛則或出四五大葉類黃樓子耳如鵝

黃黃絲頭也于大葉中一簇細紅者有冠羣芳大旋心

深紅堆葉頂分四五旋其英密簇廣可半尺高可六寸艷色絕妙紅花之冠枝條硬葉疎大賽羣芳

小旋心冠子也漸添紅而緊小枝條及綠葉並與大旋心同凡品中言大葉小葉堆葉者皆花瓣也言綠葉者

謂枝盡天工柳浦青心紅冠子也于大葉中小葉點妝

紅紅纈子也色紅而小並與積嬌紅紅樓子也色淡紅

醉西施大軟條冠子也色淡紅惟大葉有類大旋心狀

柔湖纈紅色淺深相雜類湖纈鼃池紅開須並萼或三頭者大抵花類軟條素妝殘

退紅茅山冠子也初開粉紅即漸退白青心淺妝勻紅粉

冠子也紅纈中醉嬌紅深紅楚州冠子也亦若小旋心狀中心則堆大葉葉下亦有一

無點纈者也重金線枝條高擬香英紫實相冠子也紫樓子心中細葉上不堆大葉者妬嬌

綠葉疎而柔紅中細葉上堆大葉者縷金囊金線冠子也稍似中細葉上不堆大葉者

紅中細葉上堆大葉者紅樓子心縷金囊金線冠子也稍似中細葉上不堆大葉者

葉中細葉下抽金線細細怨春紅硬條冠子也色絕淡相雜條葉並同深紅冠子甚類金線冠子而堆

葉條硬綠葉試濃妝緋多葉也緋葉五七重皆平疎平稍若柔頭條赤而綠葉硬背紫色簇紅

絲紅絲頭也大葉中一簇取次妝淡紅多葉也色絕淡紅絲細細枝葉同紫者

平效殷紅小矮多葉也與紫高多葉一同而枝條低隨

俱同根因土合歡芳雙頭並蒂而會三英三頭聚一擬

地肥瘠而異開二朵相背芳芳而開會三英三頭聚一擬

繡韉乘鞍子也兩邊垂下如所生紫者有寶妝成冠子也色

十二大葉中密生曲葉回環裏抱團圓其高八九寸廣

半尺餘每一小葉上絡以金線綴以玉珠香欺蘭麝奇

不可紀枝條硬而疊香英紫樓子也廣五寸高盈尺于

葉平為紫花之冠大葉中細葉二三十重上又

聳大葉如樓閣狀枝條硬葉中細葉二三十重上又

而高綠葉疎大而尖柔葉中細葉二三十重上又

葉中生小葉小葉尖葉中細葉二三十重上又

蘄一線金色是也宿妝殷紫高多葉也葉條花並類

凡檻中雖多無聚香絲紫絲頭也大葉中一叢紫絲

先後開並齊整細細枝條高綠葉疎而柔白

者有楊花冠子

多葉白心色黃漸拂淺紅至葉端則色深紅間以金線白花之冠

掬香

瓊

青心玉板冠子也本自茅山來白英團掬堅密平頭枝條硬綠葉短且光

曉妝新

白纈子也如小

旋心狀頂上四向葉端點小殷紅色一朵上或二點或四五點象衣中之點纈綠葉柔而厚條硬而低

試

梅妝

白冠子也白纈中無點纈者是也

銀含稜

銀綠也葉端一稜白也以上俱出宋王觀芍藥

譜

彙考原詩鄭風維士與女伊其相謔贈之以勺藥 增

山海經條谷之草多芍藥 洞庭之上多芍藥 范子

芍藥出三輔 韓詩外傳芍藥離草也 原崔豹古今

註芍藥有二種有草芍藥有木芍藥木者花大而色深俗呼為牡丹非也 牛亨問曰將離相贈以芍藥何也

董子答曰芍藥一名可離將別故贈之亦猶相招贈之以文無故文無名當歸 增晉宮閣名暉章殿前芍藥花六畦 建康記建康出芍藥極精好 原清異錄胡

嵩詩曰瓶裏數枝婪尾春時人莫喻桑維翰曰唐宋文人謂芍藥為婪尾春者婪尾乃最後之杯芍藥殿春故有是名 劉攽芍藥譜花有紅葉黃腰者號金帶圍有

時而生則城中當出宰相韓魏公守維揚日郡圃芍藥
盛開得金帶圍四公選客具樂以賞之時王珪為郡倅
王安石為幕官皆在選中而缺其一花開已盛公謂今
日有過客即使當之及暮報陳太傅升之來明日遂開
宴折花插賞後四人皆為首相 昔有獵於中條山見
白犬入地中掘得一草根攜歸植之明年花開乃芍藥
也故謂芍藥為白犬 增通志畧芍藥著於三代之際
風雅所流詠也今人貴牡丹而賤芍藥不知牡丹初無

名依芍藥得名故其初曰木芍藥亦如木芙蓉之依芙蓉以為名也牡丹晚出唐始有聞貴游競趨遂使芍藥為落譜袁宗云 符瑞志大中祥符四年四月江陵府刑部郎中袁煒家圃芍藥雙華並萼 原漁隱叢話東坡云揚州芍藥為天下冠蔡繁卿為守始作萬花會用花千萬餘枝既殘諸園又吏因緣為奸民大病之余始至問民疾苦以此為首遂罷之 增埤雅芍藥榮於仲春華於孟夏傳曰驚蟄之節後二十有五日芍藥榮是

也華有至千葉者俗呼小牡丹 東軒筆錄四枝正紫

重跗累萼中有金蕊遶之號腰金紫 三柳軒雜識芍

藥為嬌客 中吳紀聞張敏叔以芍藥為近客 古琴

疏帝相時條谷貢桐芍藥帝命羿植桐於雲和命武羅

伯植芍藥於後苑 楊允孚灤京雜詠詩注內園芍藥

迷望亭亭直上數尺許花大如斗揚州芍藥稱第一終

不及上京也 吳寬詩註往時小南城梁氏芍藥盛開

號梁家園人多攜酒賞之 原學圃餘疏余以牡丹天

香國色而不能無綵雲易散之恨因復朔一亭週遭悉
種芍藥名其亭曰續芳芍藥本出揚州故南都極佳一
種蓮香白初淡紅後純白香如蓮花故以名其性尤喜
糞予課僮溉之其大反勝於南都即元馭所愛也其他
如墨紫硃砂之類皆妙甚已致數種歸開時客皆蟻集
真堪續芳矣 明宣宗幸文淵閣命于閣右築石臺植
淡紅芍藥一本景泰初增植二本左純白右深紅後學
士李賢命之曰醉仙顏澹紅也曰玉帶白純白也曰宮

錦紅深紅也與衆賦詩名曰玉堂賞花集 瓶史芍藥

花以鶯粟蜀葵為婢 增花史文淵閣芍藥三本天順

二年盛開八花李賢遂設燕邀呂原劉定之等八學士

共賞惟黃諫以足疾不赴明日復開一花衆謂諫足以

當之賢賦詩官僚咸和以為盛事 析津日記芍藥之

盛舊數揚州劉貢父譜三十一品孔常父譜三十三品

王通叟譜三十九品亦云瑰麗之觀矣今揚州遺種絕

少而京師豐臺連畦接畛倚擔市者日萬餘莖惜無好

事者圖而譜之

集藻序原宋劉攽芍藥譜序天下名花洛陽牡丹廣陵芍藥為相侔埒禹貢記揚州草木天喬聖人之言然未見其為天喬也廣陵芍藥有自他方移來種之者經歲則盛至有十倍其初而勝廣陵所出遠甚地氣所宜信其為天乎然則醫書本草所載雖小物方土所出山川原野氣力不同或相倍蓰十百如此花矣不可不察也然芍藥之盛環廣陵四十五里之間為然外是則薄劣

不及洛陽牡丹由人力接種故歲歲變更日新而芍藥
自以種傳獨得於天然非翦剔培壅灌溉以時亦不能
全盛又有風雨寒暄氣節不齊故其名花絕品有至十
四五年得一見者其開不能成或變為他品此天地尤
物不與凡品同待其地利人力天時參併具美然後一
出意其造物亦自珍惜之爾芍藥始開時可留七八日
自廣陵南至姑蘓北入射陽東至通州海上西至滁和
州數百里間人人厭觀矣廣陵至京師千五百里駿馬

疾走可六七日至也上不以耳目之玩勤遠人而富商大賈逐利纖嗇不顧又無好事有力者招致之故芍藥不得至京師而洛陽牡丹獨擅其名其移根北方者六年以往則不及初年自是歲加劣矣故北方之見芍藥者皆其下者也然種芍藥為生者猶得厚價重利云熙寧六年放罷海陵至廣陵正四月花時會友傅欽之孫莘老偕行相與歷覽人家園圃及佛舍所種凡三萬餘株芍藥嫩好及雖好而不至者盡具矣扶風馬瑀府大

尹給事公子也博物好奇為余道芍藥本末及取廣陵人所第名品示余余按唐氏藩鎮之盛揚州號為第一萬商千賈珍貨之所叢集百氏小說尚多記之而莫有言芍藥之美者非天地生物無聞於古而特隆於今也殆時所好尚不齊而古人未必能知正色爾白樂天詩言牡丹取叢大花繁者為佳此最洛人所卑下者古人之不知芍藥何疑然當時無記錄故後世莫知其詳今此復無傳說使後勝今猶不足恨或人情好尚更變駸

駸日久則名花奇品遂將泯默無傳來者莫知有此不

亦惜哉故因次序為譜三十一種皆使畫工圖寫而示

未嘗見者使知之其嘗見者固以吾言為信矣 增孔

武仲芍藥譜序揚州芍藥名于天下與洛陽牡丹俱貴

于時四方之人盡皆齎攜金帛市種以歸者多矣吾見

其一歲而小變三歲而大變卒與常花無異由此芍藥

之美益專推于揚州焉大抵鹿鹿者先開佳者後發高至

尺餘廣至盈手其色以黃為最貴所謂緋紅千葉乃其

下者鄭詩引芍藥以明土風說者曰香草也司馬長卿子虛賦曰芍藥之和具而後御之說者曰芍藥主和五臟又辟毒氣也謝省中詩曰紅葉當堦翻說者曰草色紅者也其義皆與今所謂芍藥者合俱未有專言揚州者唐之詩人最以摹寫風物自喜如盧仝杜牧張祜之徒皆居揚日久亦未有一語及之是花品未有若今日之盛也余官於揚學講習之暇常裁而定之蓋可紀者三十有三種乃具列其名從而釋之 原王觀揚州芍

藥譜序天地之功至大而神非人力所能竊勝惟聖人
為能體法其神以成天下之化其功蓋出其下而曾不
少加以力不然天地固亦有間而可窮其用矣余嘗論
天下之物悉受天地之氣以生其小大長短辛酸甘苦
與夫顏色之異計非人力之可容致巧于其間也今洛
陽之牡丹維揚之芍藥受天地之氣以生而小大淺深
一隨人力之工拙而移其天地所生之性故奇容異色
間出于人間以人而盜天地之功而成之良可怪也然

而天地之間事物紛紜出乎其前不得而曉者此其一也洛陽風土之詳已見于歐陽公之記此不復論維揚大抵土壤肥膩於草木為宜禹貢曰厥草惟夭是也居人以治花相尚方九月十月時悉出其根滌以甘泉然後剝削老硬病腐之處揉調沙糞以培之易其故土凡花大約三年或二年一分不分則舊根老硬而侵蝕新芽故花不成就分之數則小而不舒不分與分之太數皆花之病也花顏色之淺深與葉蕊之繁盛皆出于培

壅剝削之力花既萎落亟剪去其子屈盤枝條使不離散脉理不上行而皆歸於根明年新花繁而色潤雜花根窠多不能致遠惟芍藥及時取根盡去本土貯以竹席之器雖數千里之遠一人可負數百本而不勞至於他州則壅以沙糞雖不及維揚之盛而顏色亦非他州所有者比也亦有踰年即變而不成者此亦繫土地之宜不宜而人力之至不至也花品舊傳龍興寺山子羅漢觀音彌陀之四院冠於此州其後民間稍稍厚賂以

丐其本培壅治時遂過於龍興之四院今則有朱氏之園最為冠絕南北二圃所種幾於五六萬株意其自古種花之盛未之有也朱氏當其花之盛開飾亭宇以待來遊者逾月不絕而朱氏未嘗厭也揚之人與西洛不異無貴賤皆喜戴花故開明橋之間方春之月拂旦有花市焉州宅舊有芍藥廳在都廳之後聚一州絕品于其中不下龍興朱氏之盛往歲郡將召移新守未至監護不密悉為人盜去易以凡品自是芍藥廳徒有其名

爾今芍藥有三十四品舊譜只取三十一種如緋單葉
白單葉紅單葉不入名品之內其花皆六出維揚之人
甚賤之余自熙寧八年季冬守官江都所見與夫所聞
莫不詳熟又得八品焉非平日三十一品之比此皆世
之所難得今悉列于左舊譜三十一品分上中下七等
此前人所定今更不易 增元岳榆芍藥詩序至正庚
子孟夏黃鶴山人岳榆與相臺翟君文中自吳城挈舟
至海虞復過崑山訪顧君仲瑛草堂值春暉樓前芍藥

盛開仲瑛重置酒樓上是日雷雨新霽風日淡蕩趙善
長折金帶圍一朵插瓶中及以紅白花擎繞攢簇朱伯
盛督行酒同集者七人天基道士于方外暨伯盛善長
先醉仲瑛謂人事惟艱天時自適友朋盍簪寧無一語
以紀其行樂乎遂以紅藥當堦翻一句分韻賦詩者文
中仲瑛子英并榆得藥字詩成為序其首實四月十一
日也

論原宋王觀芍藥譜後論維揚東南一都會也自古號

為繁盛唐末亂離羣雄據有數經戰焚故遺基廢迹往往蕪沒而不可見今天下一統井邑田野雖不及古之繁盛而人皆安生樂業不知有兵革之患民間及春之月惟以治花木飾亭榭以往來遊樂為事其幸矣哉揚之芍藥甲天下其盛不知起於何代觀其今日之盛古想亦不減于此矣或者以謂自有唐若張祜杜牧盧仝崔涯章孝標李嶸王播皆一時名士而工於詩者也或官于此或遊于此不為不久而畧無一言一句以及芍

藥意其古未有之始盛於今未為通論也海棠之盛莫甚于西蜀而杜子美詩名又重于張祜諸公在蜀日久其詩數千篇而未嘗一言海棠之盛張祜輩詩之不及芍藥不足疑也芍藥三十一品及前人之所次余不敢輒易後八品乃得於民間而最佳者然花之名品時或變易又安知止此八品而已哉後將有出茲八品之外者余不得而知當俟來者以補之也

題跋增宋周必大題楊謹仲芍藥詩後淳熙甲午會同

年楊謹仲周孟覺賞芍藥嘗櫻桃謹仲有詩予次韻今
二十有三年彭君仲識攜謹仲帖相過且索舊詩為之
悵然此花最盛於太和而以紅都勝黃樓子為冠如牡
丹之姚魏也黃樓或得之都勝者邑中一二家有種惜
不與人去年余答鄉貢進士陳恂二小詩云芍藥名先
記鄭風那因加木辨雌雄姚黃後出今王矣合把黃樓
列上公六一先生舊帥揚分寧太史尹西昌只緣未識
紅都勝如杜詩中缺海棠蓋許元寄歐陽公詩云芍藥

瓊花應有恨維揚新什獨無名公答云偶不題詩便怨
人山谷宰太和詩篇詠甚多亦未嘗及此花今謹仲云
花出語與古事相類併錄惡語於後

頌增傳統妻芍藥花頌曄曄芍藥植此前庭晨潤甘露
晝晞陽靈

五言古詩原齊謝朓直中書省紫殿肅陰陰彤庭赫引
敞風動萬年枝日華承露掌玲瓏結綺錢深沉映朱網
紅藥當階翻蒼苔依砌上茲言翔鳳池鳴珮多清響信

美非吾室中園思偃仰朋情以鬱陶春物方駘蕩安得

凌風翰聊恣山泉賞

唐柳宗元題堦前芍藥凡卉與

時謝妍華麗茲晨欵紅醉濃露窈窕留餘春孤賞白日

暮暄風動搖頻夜窓藹芳氣幽卧知相親願致溱洧贈

悠悠南國人

增元稹紅芍藥芍藥綻紅綃芭蘿織青

瑣繁絲感金蕊高焰當爐火翦刻彤雲片開張赤霞裏

烟輕琉璃葉風亞珊瑚朶受露色低迷向人嬌婀娜配

顏醉後泣小女妝成坐艷艷錦不如夭夭桃未可晴霞

畏欲散晚日愁將墮結根本為誰賞心期在我採之諒
所思幽贈何由果 宋梅堯臣楊樂道留飲席上客置

黃紅絲頭芍藥洛陽賣牡丹江都買芍藥賣與富人歡
買為遊子樂萬絲必同心千葉必同萼五色相淺深百
金相厚薄栽培動經年風雨便成昨蕭條洛陽城索寞
江都郭賴有一春花能無十千酌朝看門擁車暮見門
羅雀嘗聞月底人欲把月桂斫要使清光多四海意開
廓我亦愛明月常滿不願落上弦過楊侯乃值寒雨作

共飲三四人，不覺傳鳴柝。持葩金谷豪，朱黃何灼爍。還
思溱洧上，士與女相謔。實此香草芳，請我賦其畧。酒闌
為追詠，思拙筆屢閣。蔡襄和王學士芍藥粲爾芳草
葉，孤根當砌植。違春已自分，薰風猶借力。艷艷朝日光
紛披，照顏色。持之遺佳人，歲久香不息。原蘇軾送芍
藥與公擇今日忽不樂，折盡園中花。園中亦何有，芍藥
裊殘葩。久旱復遭雨，紛披亂泥沙。不折亦安用，折去還
可嗟。棄擲諒未能，送與謫仙家。還將一枝春，插向兩髻

了增謝堯仁詠芍藥花蓓大如拳花面或徑尺紫者

棲紫鸞黃者浴黃鵠或似扶桑枝推上一輪赤或似玻
瓈盆稍久擎無力又有似平叔愛矜素粉白又有似蜀
人喜染天水碧或似色綠錦未放丹砂拆或似浴青囊
未放沉麝發應須和露翦莫使見顏色庶使精神全免
笑花無骨元顧瑛春暉樓賞芍藥靈雨沐霽景初暝
散朝暄林鶯啁餘春砌藥開當軒泣妝露泥泥舞袂風
翻翻流光不我邁久懷遲君論於此樂樽壘於焉傾笑

言

七言古詩增唐韓愈芍藥歌
丈人庭中開好花更無凡
木爭春華翠莖紅蕊天力
與此恩不屬黃鍾家溫馨
熟美鮮香起似笑無言習
君子霜刀翦汝天女勞何
事低頭學桃李嬌癡婢子
無靈性競挽春衫來比並
欲將雙頰一睇紅綠窓磨
徧青銅鏡一樽春酒甘若
飴丈人此樂無人知花前
醉倒歌者誰楚狂小子韓
退之宋韓琦和袁陟節推
龍興寺芍藥廣陵芍藥真
奇美名與洛

花相上下洛花年來品格卑所在隨人趁高價接頭著
處騁新妍輕去本根無顧籍不論姚花與魏花只供俗
目陪妖姹廣陵之花性絕高得地不移歸造化大豪大
力或強遷費盡擁培無艷冶東君固是花之主千苞萬
萼從榮謝似嬌東君汎愛心枉殺春風不肯嫁遂今天
下走香名髣髴丹青競誇詫以此揚花較洛花自合維
揚推定霸其間絕色可麤陳天工著意誠堪訝仙家冠
子鏤紅雲金線妝治無匹亞旋心體弱不勝枝實髻款

斜猶墮馬冰雪肌膚一纈斑新試守宮明似赭雙頭兩
兩最多情象物更呈鞍面窓樓子亭亭欠姿媚特有怪
狀堪圖寫見者方知畫不真未見直疑傳者詐前賢大
欲巧賦詠片言未出心先怕天上人間少其比不似餘
芳資假借我來淮海陟三春三訪龍興舊僧舍問得龍
興好事僧每歲看承不敢暇後園栽植雖甚蕃及見花
成由取捨出羣標致必驚人方徙矮壇臨大廈客來只
見軒楹前國艷天姿相照射因知靈種本自然須憑精

識能陶冶君子果有育材心請視維揚種花者 原陳

與義微雨濕清曉老夫門未開煌煌玉仙子並擁翠蕤
來臙脂洗盡不自惜為雨歸來更無力老夫五十尚兒
癡憑軒一賦會真詩 增楊萬里芍藥何以築花宅筆
直松枝子何以葢花房雪白清江紙紙將碧油透松竹
畫棟峙鋪紙便作瓦瓦色水晶似金鴨煖未煖銀竹響
無水汗容漬不濕晴態嬌非醉盡將香世界闕作閑天
地風日幾曾來蜂蝶獨得至勸春入宅莫歸休勸花住

宅且少留昨日花開開一半今日花飛飛數片留花不
住春遲歸不如折插瓶中看 元袁桷新安芍藥歌洛
陽花枝如美人點點不受塵土嗔輕朱深白鑄顏色高
亞綠樹爭精神那如新安紅芍藥透日千層紅閃爍碧
雲迸出紫琉璃風動霓裳凝綽約我聞種花如種玉盡
日陰晴看不足微雲澹蕩增寵光細雨輕濛賜湯沐何
人看花不解理香雪紛紛手中毀酒酣跌蕩空低昂得
意須臾竟如此翩翩驕驕雲中君愛花直欲留青春青

春如流欲歸去明年看花君合住
明徐賁次韻楊孟

載觀芍藥作輕陰釀綠寒猶薄龜甲疏簾映朱閣美人
偏有惜花心新水銀瓶送紅藥當堦惟恐流塵污纖手
籠春為花護一捻芳容飽弄嬌臙脂細結玲瓏露綵貼
單屏襯碧綃微風纔動見花搖香凝膩粉肌全濕影艷
方諸臉半潮高枝開滿低枝捲翠檻移來隨步輦濃染
如分織女機巧裁似出宮娥翦花情最重是何人應有
鴛鴦帳裏身不用傳心題綺字踏歌當為喚真真陸

粲賦內閣芍藥金門柳色縈深綠上苑春餘雜花撲天
桃已歇穠李衰紅藥翻堦正芬郁此花初種自宣皇百
曲雕欄七寶妝融風窈窕昭陽殿暖日輕盈白玉堂玉
堂學士看花早賦成芸閣留詩草卷幔頻看碧霧流揮
毫正耐紅雲繞憶昨宣皇居法宮太平樂事君臣同宸
遊每出濯龍裏曲宴偏臨翔鳳中是時南苑飛霓旌爛
漫仙葩綺繡明臨風宛轉如矜妬俯者如愁仰如訴半
沾微雨妖紅濕太真泣凭欄干立至尊一顧六宮回茜

裙霞帔俱羞澀華萼樓頭雨露偏芳容贏得美人憐君
恩為與分春色詔許移來種閣前閣前複道連金谷翠
輦經過幾迴矚內家敕進賞花詞昭容傳制黃門促沉
吟此事六十載當日繁華宛然在紺幃金輿稀幸臨黃
扉紫禁留風采不羨揚州寶帶圍長安紅紫競芳菲五
侯七貴同邀賞寶馬香車疾若飛爭似名花出天上霧
閣雲窓儼相向浪蝶遊蜂未許窺酒徒詞客空惆悵江
南三月足豪華繡幙圍香富貴家亦有幽姿在空谷風

雨憔悴天之涯燕山遊子江南客獨對名花感今昔草木何知人自憐逢時亦復升沉隔世間榮辱偶然事不獨此花何歎息

五言律詩增唐張九齡紫薇庭芍藥仙禁生紅藥微芳不自持幸因清切地還遇艷陽時名見桐君錄香聞鄭國詩孤根若可用非直愛華滋 宋梅堯臣七里灣得朱表臣寄千葉樓子髻子芍藥誰稱為近侍宜與牡丹尊霞綵千千葉香撩黯黯魂紅樓思俠少寶髻奉王孫

賸插不堪照顏衰汴水渾 原畦石春色今方滿名花

爾較遲含芳如有意呈彩亦當時調鼎需仙液揮毫待

鳳池天工知不淺一夜露華滋 明蔡羽毛督經浣亭

官舍芍藥畫靜綠陰匝微風滿院芬紅欄昨夜雨碧館

見朝雲春香鳥空怨暖多花易絲須煩紫絲帳遮護到

斜曛

七言律詩增唐張泌芍藥香清粉淡怨殘春蝶翅蜂鬚

戀蕊塵閒倚晚風生悵望靜留遲日學因循休將薜荔

為青瑣好與玫瑰作近隣零落若教隨暮雨又應愁煞
別離人 宋王禹偁芍藥詩并序芍藥之義見之鄭詩
百花之中其名最古謝公直中書省詩云紅藥當堦翻
自後詞臣引為故事白少傅知制誥有草詞畢詠芍藥
詩詞采甚為該備然自天后以來牡丹始盛而芍藥之
艷衰矣考其實牡丹初號木芍藥蓋本同而末異也牡
丹落盡正淒涼紅藥開時醉一場羽客暗傳尸解術仙
家重爇返魂香蜂尋檀口論前事露濕紅英試曉妝曾

忝披垣真舊物多情應認紫薇郎
東君留著占殘春

得得遲開亦有因曾與掖垣留故事
又來淮海伴詞臣
日燒紅艷排千朶風遞清香滿四隣
更愛綠頭弄金縷
異時相對掌絲綸
滿院勻開似赤城
帝鄉齊點上元
燈感傷綸閣多情客珍重維揚好事僧
酌處酒杯深蘸
甲折來花朶細含稜
老郎為郡辜朝寄
除却吟詩百不能
韓琦北第同賞芍藥芍藥名高致亦難
此觀妖艷
滿雕欄酒酣誰欲張珠網
金細偏宜間寶冠
露裊更深

雲髻重蝶棲長苦玉樓寒鄭詩已取相酬贈不見諸經
載牡丹 蔡襄和運使學士芍藥篇密葉陰沉夏景新
朱闌紅藥自為春香餘蘭芷偏饒艷畫入縑綃未逼真
已恨芳華難駐景可堪愁卧動經旬三年想愛須留戀
不為江頭酒味醇 蘇軾玉盤盂詩并序東武舊俗每
歲四月大會於南禪資福兩寺以芍藥供佛而今歲最
盛凡七千餘朵皆重跗累萼繁麗豐碩中有白花正圓
如覆盂其下十餘葉稍大承之如槃姿格絕異獨出于

七千朵之上云得之於城北蘓氏園中周宰相莒公之
別業也而其名俚甚乃為易之雜花狼籍占春餘芍藥
開時掃地無兩寺妝成寶瓔珞一枝爭看玉盤盂佳名
會作新翻曲絕品難尋舊畫圖從此定知年穀熟姑山
親見雪肌膚花不能言意可知令君痛飲更無疑但
持白酒勸嘉客直待瓊舟覆玉巵負郭相君初擇地看
羊屬國首吟詩吾家豈與花相厚更問殘芳有幾枝
蘇轍和子瞻玉盤盂二首千葉團團一尺餘揚州絕品

舊應無賞傳
莒國遷鍾簏
移憶胡僧置
鉢盂叢底留
連傾鑿落
餅中捧擁照
浮屠強將絳
蠟封紅萼
憔悴無言損
玉膚故相林
亭父老知出
羣草木尚何
疑無多產業
殘花藥幾許
功名舊鼎彛
豐艷不知人
世別佳名新
換使君詩
明年會看花
尤好剥盡浮
苞養一枝周
必大彭孝求
送芍藥數種
鄙句為謝占
斷春光及夏
初琉璃翦葉
朶珊瑚休論
花品同而異
且詠詩人樂
且訐北地莫
辭金鑿落南
禪爭看玉盤
盂彭宣微恙
何妨醉自

有嬌癡婢子扶 楊萬里多稼堂前兩檻芍藥紅白對

開二百朵紅紅白白定誰先
嫋嫋娉娉各自妍最是倚
欄嬌分外却緣經雨意醒然
晚春早夏渾無伴暖艷晴
香正可憐好為花王作花相
不應只遣侍甘泉 旁招
近侍自江都兩歲何曾見
國姝看盡滿欄紅芍藥只消
一朵玉盤盃水晶淡白非真
色珠碧空明得似無欲比
此花無可比且云冰骨玉肌
膚 芙蓉渡酒店前金沙
芍藥盛開山店春光也自妍
芙蓉渡口數家村笋輿

過金沙架籬落疎園芍藥軒孤客倦遊殊寂寞雨花著
意與溫存可憐經眼匆匆去不折紅香到綠尊 賈似
道又是楊州芍藥時花應笑我賦歸遲滿堂留客春如
畫對酒何妨鬢似絲玉立黃塵那可到錦幃紅蠟最相
宜買山若就當移種此際誰能杖履隨 溫溫玉立綠
陰中不把芳菲逐萬紅折盡長淮多暇日簪聯四坐足
春風應如慶歷梅花瑞況有昌黎屬句工問得君王乞
身去移根栽傍曲欄東 上了甘泉三捷書長淮萬里

一塵無清和時節如春在紅藥精神與昔殊叢玉生香

歌可譜圍金有客瑞重圖公堂且盡今朝醉已問君王

乞鑑湖 元郝經芍藥夜來風雨洗殘春芍藥還開春

又新入座忽驚持酒客舉杯先酌送花人烟輕雪膩丰

容質露重霞香婀娜身鐵石肝腸總銷鑠都將軟語說

風神 馬祖常芍藥鶯粉分奩艷有光天工巧製殿春

陽霞繒襞積雲千疊寶蓋凝脂蜜半香並蒂當堦盤綬

帶金苞向日剖珠囊詩人莫詠揚州紫便與花王可頡

頽張昱陪宴相府得芍藥花有感醉吐車茵愧不才

馬前蝴蝶趁花回玉瓶盛露扶春起錦帳圍燈照夜開
垂白敢思溱洧贈款紅還是廟廊栽揚州何遜空才思
惟對高寒詠閣梅明李東陽內閣賞芍藥一春風日

幾晴陰數種名花競淺深禁苑栽培真得地化工雕刻
本何心叢疑月下留鸞宿香到人間許蝶尋臺閣風流
前輩遠綵毫重和玉堂吟次第紅芳又綠陰好花留
向玉堂深多從雨過看生色不為春遲負賞心清露著

衣香易濕綵雲迷眼夢難尋
杯餘幸接韓公宴詞罷先

賡白傳吟
曉聞花底佩聲歸萬葉枝頭露未稀
力盡

丹青空藻繪眼看紅紫漫芬菲
裁雲直傍瑤池起避日

須將錦障圍願向人間分此種
莫教春祇在彤扉
春

逐長安擔上歸此花真覺眼中稀
新題翰苑圖猶在舊

事揚州草自菲索賞向人心已醉
試開經日手頻圍欲

知近侍承恩地長共西垣與北扉
吳寬秦公邀賞芍

藥妙手何人簇絳紗平臺驚見數枝斜
梁家園裏無遺

種吏部庭前得好花量淺莫將深盞酌眼昏猶用密簾
遮詩中近侍非公論誰說唐人是作家品高真自廣
陵來舊譜空憐壁角堆千葉連雲如並擁兩枝迎日忽
齊開詩中相謔何須贈擔上能賒也用栽記取今時纔
看起醉吟多藉麴生材儲巖賞紅藥三歲歸來始一
看捲簾深坐傍欄干數枝帶雨開何晚此日憐春別更
難封殖喜留嘉種在低回如語舊盟寒裁詩為喚東君
轉酒盞花前正爾寬莫怪多情盡日看春殘花謝總

相干遲開已待花神入真賞能逢地主難翠幄微香吹

漸遠玉盤承露瀉初寒三年擬試沉香筆却真行期為

爾寬 文徵明禁中芍藥仙姿倬約絳羅紳何日移根

傍紫宸月露冷團金帶重天風香泛玉堂春千年想見

翻階詠一笑羞稱近侍臣不似人間易零落上方元自

隔凡塵 黃姬水石佛院看芍藥山繞吳宮舊館娃清

江曲曲綠楊斜偶移畫鷁同盃酒不道空門有艷花白

日簾櫳堪羃霧夕陽欄檻更添霞美人不見偏惆悵欲

折瓊枝感歲華 息園賞芍藥淺白深紅鬪合歡絲絲
香雨晝難乾直須一日三百盞無那東風十二欄水上
新傳錦字艷樓頭長怨玉簫寒可憐春色隨花盡留興
還應帶月看 王渙昭慶寺看芍藥一半春光過牡丹
又開芍藥遍禪關久辜往約違蓮社今續清歡到寶欄
垂露幾團花面濕東風一陣燕泥寒酒邊何味呈奇供
綠筍朱櫻正滿盤

七言小律原唐白居易感芍藥花寄正一上人今日階

前紅芍藥幾花欲老幾花新開時不解比色相落後始知如幻身空門此去幾多地欲把殘花問主人

五言排律原唐白居易草詞畢遇芍藥初開偶成十六韻
罷草紫泥詔起吟紅藥詩詞頭封送後花口拆開時
坐對鈎簾久行觀步履遲兩三叢爛熳十二葉參差背
日房微斂當階朶旋欹釵葶抽碧股粉蕊撲黃絲動盪
情無限低斜力不支周迴看未足比諭語難為勾漏丹
砂裏焦僥火焰旗彤雲賸根蒂絳幘欠纓綏况有晴風

度仍兼宿露垂疑香熏罨畫似淚著臙脂有意留連我
無言怨思誰應愁明月落如恨隔年期菡萏泥連萼玫
瑰刺繞枝等量無勝者惟眼與心知

五言絕句增唐孟郊看花芍藥誰為嬌人人不敢來惟
應待詩老日日殷勤開 原宋王十朋芍藥千葉揚州
種春深霸衆芳無言比君子窈窕有溫香 已過花王
候才開近侍香來遊禁酒地免作退之狂 增金姚孝
錫詠芍藥綠萼披風瘦紅苞浥露肥只愁春夢斷化作

彩雲飛 明李東陽芍藥秀色春前發濃陰雨後看持
盃賀花相先我得休官

七言絕句原唐韓愈芍藥浩態狂香昔未逢紅燈爍爍
綠盤龍覺來獨對情驚恐身在仙宮第幾重 增宋蔡

襄華嚴院西軒見芍藥吉祥亭下萬千枝看盡將開欲
落時却是雙紅有深意故留春色綴人思 烘簾微照

自生光吹面輕風與送香誰把金刀收絕艷醉紅深淺
上釵梁 的的名花對酒樽欄邊沉醉月黃昏今朝開

外尋蘭若忽見孤芳欲斷魂
原邵雍白芍藥阿姨天

上舞霓裳姊妹庭前翦雪霜
要與牡丹為近侍鉛華不

御學梅妝
含露仙姿近玉堂翻堦美態醉紅妝對花

未免須酣舞到底昌黎是楚狂
蘇軾題趙昌芍藥倚

竹佳人翠袖長天寒猶著薄羅裳
揚州近日紅千葉自

是風流時世妝
增蘇轍馬上見賣芍藥戲贈張厚之

春風欲畫無尋處盡向南園芍藥中
過盡此花真盡也

此身應與此花同
春來便有南園約過盡春風約尚

賒綠樹成陰花結子便須攜客到君家
原黃庭堅廣

陵早春春風十里珠簾捲彷彿三生杜牧之紅藥梢頭

初繭粟揚州風物鬢成絲
增陳師道謝趙生惠芍藥

從微至老走風塵喜見隣家第四春獨舞東風對西子

政緣無語却宜人
九十風光次第分天憐獨得殿殘

春一枝剝欲簪雙鬢未有人間第一人
張栻一年春

事雨聲裏十里揚州夢想邊眼底花明煩折贈君家風

物自嫣然
元馬祖常五月芍藥芍藥花開端午時江

南遊客苦相疑上京不是春光晚自是
天家日景遲
楊允孚灤京雜詠時雨初肥芍藥苗脆肥香壓酒腸消
揚州簾捲春風裏曾惜名花第一嬌
明僧德祥玉堦
宜有此花開金鼎調香宰相才莫謂人間無彩筆寫將
濃艷入雲臺

詩散句原唐孟郊月娥雙雙下楚艷枝枝浮洞裏逢故
人倬約清宵遊
宋李覲斜月正當樓花霧壓城重起
傍藥欄行花亦方在夢
劉敞跼萼晴相照芳香暖競

飄波翻蜀地錦霞萃赤城標
唐陳良父凝脂新賜浴

半面更啼紅
宋穆修油壁車中同載女菱花鏡裏並

妝人
韓琦丹砂纈妙深難染白玉冠巍瑩絕瑕紅

玉斲成樓突兀白雲爭簇髻巍峩
嬌紅鬧密輕多葉

醉粉欹斜奈軟條
粉妝瑞玉千叢密冠縷真金半尺

圍
增劉敞眼前隋苑多佳麗未覺吳宮久寂寥蘇

轍共驚春去已多日爭看花開最後番
原曾鞏小碧

欄干四月天露紅烟紫不勝妍
張舜民西掖堦前辭

御傘瓊林殿後媚春衣 陳傅良玉龍十二蓬山頂寶

髻三千漢殿中 密葉自成金罽飾亂英誰緝紫茸香

半妝宮面迎風笑間色仙衣帶露收 楊東山不濃

不淡勻脂粉非醉非醒媚雨風 過眼一春春又夏開

殘芍藥更無花 趙師秀自洗銅瓶插欹側要令書卷

識奢華 增元吳澄淺潮半醉流霞暈清印初昏淡月

痕 楊允孚若較內園紅芍藥洛陽輸却牡丹花 原

唐杜甫傍砌看紅藥 白居易夾砌紅藥欄 增李商

隱紅藥綻香苞

宋戴復古翻塔芍藥遲

元方回芍

藥抽紅銳

唐李商隱欄藥日高紅髮髥

元周伯琦

一瓶芍藥當荷花

詞原宋王十朋點絳脣閒日盈盈向人自笑還無語牡

丹飄雨開作羣花主

柔美溫香翦染勞天女青春去

花間歌舞學個狂韓愈

韓元吉浪淘沙鵲鳩怨花殘

誰道春闌多情紅藥待君看濃淡曉妝新意態獨占西

園風葉萬枝繁猶記平山五雲樓映玉成盤二十四

橋明月下誰凭朱闌 張孝祥踏莎行洛下根株江南
栽種天香國色千金重花邊三閣建康春風前十里揚
州夢 油壁輕車青絲短轡看花日日催賓從而今何
許定王城一枝且為鄰翁送 陳從古蝶戀花日借輕
黃珠綴露困倚東風無限嬌春處看盡天紅渾謾語淡
妝偏稱泥金縷 不共鉛黃爭勝負殿後開時故欲尋
春去去似朝霞無定所那堪更著催花雨 姜夔側犯
恨春易去甚春却向揚州住微雨正繭栗稍頭弄詩句

虹橋二十四總是行雲處無語漸半脫宮衣笑相顧

金荷細葉千朶圍歌舞誰念我髮成絲來此共樽俎後

日西園綠陰無數寂寞劉郎自修花譜 陳濟翁驀山

溪薰風時候芍藥披晴晝天上玉欄干展一枰天家錦

繡漢宮唐殿嬪御逞妖嬈飛燕女太真妃一樣新妝就

黃金撚線色與紅芳鬪誰把絳綃衣誤將他顰脂清

透晚風生處襟袖捲濃香持玉笋秉紗籠倚醉聽更漏

盧祖臯水龍吟杜鵑啼老春紅翠陰滿眼愁無奈飛

來何處鳳輶驚馭霞裾雲珮風檻嬌凭露梢慵鞞酒痕
微退念洛陽人去香魂又返依然是風流在 十年一

覺揚州春夢離愁似海浩態難留暗香吹散幾時重會
向樽前笑折一枝紅玉帽簷斜戴 劉圻父醉蓬萊訪

鶯花陳迹姚魏遺風綠陰成幄尚有餘香付寶堦紅藥
淮海維揚物華天產未覺輸京洛時世新妝施朱傅粉
依然相若 束素腰纖捻紅唇小鄣袖嬌羞倚欄柔弱
玉佩瓊裾勸王孫行樂况是韶華為伊挽駐未放離情

薄顧盼歌前留連醉裏莫教零落 曾覲念奴嬌人生

行樂算一春歡賞都來幾日綠暗紅稀春已去贏得星
星鬢白醉裏狂歌花前起舞拚罰金杯百淋漓宮錦忍
辜妖艷姿色 須信殿得韶光只愁花謝又作經年別

嫩紫嬌紅邀客語應為主人留客月落烏啼酒闌燭暗
離緒傷吳越竹西歌吹不堪老去重憶 晁補之望海
潮人間花老天涯春去揚州別是風光紅藥萬株佳名
千種天然浩態狂香尊貴御衣黃未便教西洛獨占花

王困倚東風漢宮誰敢鬪新妝
年年高會維揚看家

誇絕艷人詭奇芳結萼當屏聯葩就幄紅遮綠遶華堂
花面映交相更秉蘭觀消幽意難忘罷酒風亭夢魂驚
恐在仙鄉 方岳沁園春把酒問花蘭栗梢頭春今幾
何笑身居近侍翻堦萬玉面勻菩薩髻擁千螺一一牙
籤英英碧字占定花間甲乙科歸來也傍紫薇吟處揉
作陽和 祇今花事無多看幾許風烟付與他待圍將
翡翠怕蜂粘粉織成雲錦遣鳳銜梭誰翦并刀贈之燕

玉莫負雙娥嬌溜波花應道儘花強人面底用能歌

劉克莊賀新郎一夢揚州事畫堂深金瓶萬朶元戎高
會座上祥雲層臺起不減洛中姚魏歎別後關山迢遞
國色天香何處在想東風猶憶狂書記驚歲月一彈指
數枝清曉煩馳騎向小窓依稀重見蕪城妖麗料得
花憐儂消瘦儂亦憐花憔悴謾悵望竹西歌吹老矣應
無騎鶴日但春衫點點當時淚那更有舊情味

別錄增南史王筠傳筠幼而警悟七歲能屬文年十六

為芍藥賦其詞甚美 圖畫見聞志李少保端愿有圖

一面畫芍藥五本其畫皆無筆墨用五彩布成為徐崇
嗣沒骨圖以其無筆墨骨氣而名之 夢溪筆談元豐

末秀州人家屋瓦上冰盡成花每瓦一枝正如畫家所
為折枝有大花如牡丹芍藥者氣象生動雖巧筆不能
為之以墨搨之無異石刻 原分植芍藥大約三年或
二年一分分花自八月至十二月其津脉在根可移栽
春月不宜諺云春分分芍藥到老不開花以其津脉發

散在外也栽向陽則根長枝榮發生繁盛相離約二三尺一如栽牡丹法不可太遠太近穴欲深土欲肥根欲直將土鉏虛以壯河泥拌猪糞或牛羊糞栽深尺餘尤妙不可少屈其根梢只以水注實勿踏築覆以細土高舊土痕一指自驚蟄至清明逐日澆水則根深枝高花開大而且久不茂者亦茂矣以雞矢和土培花叢下渥以黃酒淡紅者悉成深紅 增種樹書菜園中種芍藥最盛 原修整春間止留正蕊去其小苞則花肥大新

栽者止留一二蕊一二年後得地氣可留四五然亦不可太多開時扶以竹則花不傾倒有雨遮以箔可耐久花既落亟翦其蒂盤屈枝條以線縛之使不離散則脉下歸於根冬間頻澆大糞明年花繁而色潤處暑前後平土翦去來年必茂冬日宜護忌澆水服食安期生服鍊法云芍藥有二種治病用金芍藥色白多脂肉色紫者不用凡採得淨洗去皮東流水煮百沸陰乾三日木甌內上覆淨黃土蒸一日夜取出陰乾搗末麥飯或

酒服三錢七日三服滿三百可登嶺絕粒春採芽或花
辦以麵煎之味脆美可以久留 制食之毒莫良于芍
藥故獨得藥之名所謂芍藥之和具而後食之者此也
採製根入藥味酸寒赤白視花色白者益脾能于木
中瀉木赤者散邪能行血中之滯氣秋時採單葉者氣
味全厚用竹刀刮去皮並頭上土蜜水拌蒸從巳至未
曬乾收貯中寒者酒炒女人血藥醋炒

御定佩文齋廣羣芳譜卷四十五